

চার ইমামের সংক্ষিপ্ত জীবনী

ইমাম আবু হানীফা (রহঃ) এর জীবনী

ইমাম মালিক (রহঃ)-এর জীবনী

ইমাম শাফেয়ী (রহঃ)-এর জীবনী

ইমাম আহমাদ বিন হাষল (রহঃ)-এর জীবনী

ইমাম আবু হানীফা (রহ:)-এর সংক্ষিপ্ত জীবনী

সূচিপত্র

নাম,উপনাম ও বংশ

জন্ম ও প্রতিপালন

শিক্ষা জীবন

ইমাম আবু হানীফা (রহ:)-এর শিক্ষকবৃন্দ

ইমাম আবু হানীফা (রহ:)-এর ছাত্রবৃন্দ

জ্ঞান গবেষণায় ইমাম আবু হানীফা (রহ:)

ফিকাহ শাস্ত্রে ইমাম আবু হানীফা (রহ:)

হাদীস শাস্ত্রে ইমাম আবু হানীফা (রহ:)

সঠিক আঙ্কীদা বিশ্বাসে ইমাম আবু হানীফা (রহ:)

সুন্নাহ অনুসরণে ইমাম আবু হানীফা (রহ)

ইমাম আবু হানীফা (রহ) সম্পর্কে আলিম সমাজের প্রশংসা

ইমামের মৃত্যুবরণ

الباب الثاني

نبذة من حياة الأئمة الأربع و موقفهم من اتباع السنة د्वितीয় অধ্যায়

চার ইমামের সংক্ষিপ্ত পরিচয় ও সুন্নাহ অনুসরণে ইমামদের অবস্থান প্রথম পরিচেছদ

চার ইমামের সংক্ষিপ্ত পরিচয়

মহামতি ইমামদের জীবনী এখানে আলোচনা করা মূল উদ্দেশ্য নয়, শুধুমাত্র পাঠকদের কাছে তাঁদের জীবনী সম্পর্কে সামান্য কিছু ধারণা দেয়াই হলো উদ্দেশ্য, কারণ তাঁদের বিশাল আলোময় জীবন এ কয়েক লাইনে উল্লেখ করা সম্ভব নয়। অতএব অতি সামান্যভাবে তাঁদের জীবনী সম্পর্কে সামান্য কিছু তথ্য তুলে ধরা হল।

ইমাম আবু হানীফা (রহ.)-এর সংক্ষিপ্ত জীবনী

নাম, উপনাম ও বৎশ : নাম নু'মান, উপনাম আবু হানীফা।
বৎশনামা : “নু'মান বিন ছাবিত বিন যুত্তাই আল খায়্যায আল কুফী।”^{৪৮} তিনি কাপরের ব্যবসায়ী ছিলেন, তাই আল খায়্যায বলে পরিচিত এবং তিনি কুফা নগরীতে জন্মাত্ত করেছেন ও সেখানে জীবন-যাপন করেছেন এজন্য আল-কুফী বলে পরিচিত। বৎশগতভাবে তিনি আত্-তাইমী, অর্থাৎ তাঁর দাদা “যুত্তাই” রাবীয়া বৎশের উপগোত্র বনী তাইমিন্নাহ বিন ছালাবার অধিনস্ত ছিলেন, এ সূত্রেই তিনি বৎশগতভাবে আত্-তাইমী বলে পরিচিত।^{৪৯}

জন্ম ও প্রতিপালন : বিশুদ্ধ মতে ইমাম আবু হানীফা (রহ.) কুফা নগরীতে ৮০ হিঁসনে জন্ম গ্রহণ করেন। তিনি কুফা নগরীতে প্রতিপালিত

^{৪৮} তারিখে কাবীর লিল বুখারী- ৮/৮১ পৃঃ, তারিখে বাগদাদ- ১৩/৩২৩ পৃঃ, তায়কেরাতুল হৃফ্ফায- ১/১৬৮ পৃঃ, সিয়ার আলামিনুবালা ৬/৩৯০ পৃঃ, আল কামিল ফিতারীখ- ৫/৫৮৫ পৃঃ মিয়ানুল ইতিদাল- ৮/২৬৫ পৃঃ, তাহ্যীবুত্তাহ্যীব- ১০/ ৪৪৯ পৃঃ ইত্যাদি।

^{৪৯} আল-আন্সাব লিস্সাম আনী- ৫/১০৩ পৃঃ, আল মাজুরুহীন- ৩/৬৩ পৃঃ।

হন এবং জীবনের শুরুতেই তিনি গার্মটেস ব্যবসায় পেশা হিসাবে গ্রহণ করেন এবং সততার সাথে ব্যবসায় পরিচালনা করায় তিনি জনপ্রিয়তা অর্জন করেন।^{১০}

শিক্ষা জীবন : ইমাম আবু হানীফা (রহ.) জীবনের প্রাথমিক পর্যায় ব্যবসায়ী কর্মে আত্মনিয়োগ করেন, শিক্ষা-দিক্ষায় মনোনিবেশ হননি। ইমাম শা'আবী (রহ.)-এর সাথে সাক্ষাত ঘটলে তাঁর পরামর্শে তিনি শিক্ষামুখী হন। ইমাম আবু হানীফা (রহ.) নিজেই বলেন : “আমি একদিন ইমাম শা'আবীর পাশ দিয়ে যাচ্ছিলাম, তখন তিনি আমাকে ডাকলেন এবং বললেন, তুমি কার কাছে যাচ্ছ? আমি তাকে উন্নায় সম্মোধন করে বললাম যে, আমি বাজারে যাচ্ছি। ইমাম শা'আবী (রহ.) বললেন : “তোমার বাজারে যাওয়ার কথা জিজ্ঞাসা করিনি, আমি জিজ্ঞাসা করলাম কোন আলিমের কাছে যাচ্ছ?” জবাবে ইমাম আবু হানীফা (রহ.) বললেন, “আসলে আলিমদের সাথে আমার যোগাযোগ খুবই কম।” ইমাম শা'আবী (রহ.) বললেন : “না তুমি এরূপ করো না, বরং তুমি শিক্ষামুখী হও এবং আলিমদের সাথে উঠাবসা শুরু কর, কারণ আমি তোমার মাঝে ভাল আলামত দেখছি।” ইমাম আবু হানীফা (রহ.) বলেন : ইমাম শা'আবীর এ উপদেশ আমার হৃদয়ে রেখাপাত করল, ফলে আমি বাজারে যাওয়া বন্ধ করলাম এবং জ্ঞান গবেষণামুখী হলাম। আল্লাহ তা'আলা তাঁর উপদেশের মাধ্যমে আমাকে উপকৃত করেছেন।^{১১}

এভাবেই আবু হানীফা (রহ.) শিক্ষা জীবন শুরু করেন। শিক্ষা জীবন শুরু করে তিনি কালাম শাস্ত্র ও তর্কবিদ্যা শিক্ষালাভ করে ভাত্ত মতবাদের প্রতিবাদে তর্ক সংগ্রাম চালিয়ে তার্কিক হিসাবে পরিচিতি লাভ করেন। কিন্তু এ তর্ক চর্চা কুরআন, সুন্নাহ ও ফিকাহ শাস্ত্রে বিস্তৃতা সৃষ্টি করলে তর্ক চর্চা বর্জন করে কুরআন, সুন্নাহ ও ফিকাহ চর্চায় মনোনিবেশ করেন।^{১২}

ইমাম আবু হানীফার (রহ.) শিক্ষকবৃন্দ : ইমাম আবু হানীফা (রহ.) ছেট বয়সে দু'একজন সাহাবীর সাক্ষাত লাভ করেন, যেমন-

^{১০} তারিখে বাগদাদ ১৩/৩২৫ পঃ।

^{১১} মানাকিব আবী হানীফাহ লিল মাক্হী- ৫৪ পঃ।

^{১২} উকুদুল জিমান, ১৬১ পঃ।

আনাস বিন মালিক (رضي الله عنه)، কিন্তু তাদের কাছ থেকে তেমন কিছু শিক্ষা গ্রহণ করতে পারেননি, কারণ তিনি প্রাথমিক যুগে ব্যবসায়ী কর্মে নিয়োজিত ছিলেন, অতঃপর ইমাম শা'আবীর অনুপ্রেরণায় দ্বীন শিক্ষায় আন্তরিয়োগ করেন।^{৩৩} ইমাম আল মিয়্যামী (রহ.) ইমাম আবু হানীফা (রহ.) যাদের কাছে শিক্ষালাভ করেছেন তাদের বর্ণনা দিতে গিয়ে মোট পঞ্চাশ জন শাহীখ এর নাম উল্লেখ করেন। নিম্নে তাদের প্রসিদ্ধ কয়েক জনের নাম উল্লেখ করা হল :

১. হাম্মাদ বিন আবী সুলাইমান আল আশ্যারী (রহ.)।
২. যায়িদ বিন আলী আল হাশেমী (রহ.)।
৩. ইমাম আতা বিন আবী রাবাহ আল কারশী (রহ.)।
৪. আবদুল মালিক বিন আবিল মাখারিক আল মাসরী (রহ.)।
৫. আদী বিন ছাবিত আল আনসারী (রহ.)।
৬. ইমাম কাতাদাহ বিন দায়ামাহ আস সাদুসী (রহ.)।
৭. মুহাম্মদ বিন আলী আল হাশেমী (রহ.) ইত্যাদি।

ইমাম আবু হানীফা (রহ.)-এর ছাত্রবৃন্দ : ইমাম আবু হানীফা (রহ.) হতে অনেক গুণীজন দ্বিনী জ্ঞান শিক্ষা লাভ করেন। ইমাম মিয়্যামী (রহঃ) ইমাম আবু হানীফা (রহ.)-এর ছাত্রদের বর্ণনা দিতে গিয়ে সন্তুর জনের নাম উল্লেখ করেন।^{৩৪} নিম্নে তাদের প্রসিদ্ধ কয়েক জনের নাম উল্লেখ করেন।

১. জারীর বিন আবদুল হামীদ আল কুফী (রহ.)।
২. হাম্মাদ বিন আবী হানীফাহ আল কুফী (রহ.)।
৩. আল হাকাম বিন আবুল্লাহ আল বালখী (রহ.)।
৪. ইমাম আবুল্লাহ বিন মুবারক আল হানযালী (রহ.)।
৫. ইমাম মুহাম্মদ বিন হাসান আশ্শায়বানী (রহ.)।
৬. ইমাম নূহ বিন আবী মারযাম আল মারওয়ায়ী (রহ.)।
৭. ইমাম ইয়াকুব বিন ইবরাহীম আবু ইউসূফ আল কায়ী (রহ.)।

ইত্যাদি।

^{৩৩} উক্তদুল জিমান, ১৬০ পৃঃ।

^{৩৪} তাহ্যীবুল কামাল, ৩/১৪১৫ পৃঃ।

জ্ঞান গবেষণায় ইমাম আবু হানীফা (রহ.) : ইমাম কাবীসাহ বিন উকবাহ (রহ.) বলেন : “ইমাম আবু হানীফা (রহ.) প্রথম পর্যায়ে তর্কবিদ্যায় পারদর্শী হয়ে বিদ'আতী বাতিল পছন্দের সাথে তর্কে লিঙ্গ হন, এভাবে তিনি অপ্রতিদ্বন্দ্বী তারিকে পরিণত হন। অতঃপর তিনি তর্কচর্চা বর্জন করে ফিকাহ ও সুন্নাহ চর্চায় লিঙ্গ হন এবং একজন ইমামে পরিণত হন।”^{৫৫}

ফিকাহ শাস্ত্রে ইমাম আবু হানীফা (রহ.) : ফিকাহ শাস্ত্রে আবু হানীফা (রহ.)-এর অবস্থান ও অবদান সম্পর্কে বলার অপেক্ষা রাখেনা, কারণ তিনি ফিকাহ শাস্ত্রের এক উজ্জ্বল নক্ষত্র। ইমাম সাহেবের অন্যতম ছাত্র ইমাম আবুল্হাহ ইবনু মুবারক (রহ.) বলেন, “ইমাম আবু হানীফা (রহ.) স্থীয় যুগে ফিকাহ শাস্ত্রে অপ্রতিদ্বন্দ্বী ব্যক্তি ছিলেন”।^{৫৬} তিনি সময়ের প্রসিদ্ধ তাবেঙ্গ যেমন- আত্ম বিন রাবাহ, নাফি, মাওলা ইবনু ওমার ও কাতাদাহ প্রভৃতি তাবেঙ্গদের (রাহিমাহুল্লাহ) হতে ফিকাহ শাস্ত্রে পওতু অর্জন করেন।^{৫৭} তাঁর হতেও অসংখ্য জ্ঞানপিপাসু ফিকাহ শাস্ত্র শিক্ষা লাভ করেন। তাবে ফিকাহ শাস্ত্রে ইমাম সাহেবের উল্লেখযোগ্য কোন রচিত গ্রন্থ পাওয়া যায় না।

উল্লেখ্য যে, ইমাম আবু হানীফা (রহ.) ফিকাহ শাস্ত্রে পাণ্ডিত অর্জন করেন এবং বহু জ্ঞান পিপাসুকে ফিকাহ শিক্ষাদান করেন, কিন্তু প্রচলিত সমাজে যেমন- ইমাম সাহেবের বরাত দিয়ে প্রকাশ্য হাদীসকে বর্জন করে ফিকাহকে প্রাধান্য দেয়া হয়। ইহা কখনও ইমাম সাহেবের স্বত্বাব নয় এবং মায়াবাও নয়। “সুন্নাতে রাসূল ﷺ অনুসরণে ইমাম আবু হানীফা (রহ.)-এর অবস্থান” পরিচ্ছেদে আমরা এ বিষয়টি প্রমাণসহ আলোকপাত করব ইন্শাআল্লাহ।

হাদীস শাস্ত্রে ইমাম আবু হানীফা (রহ.) : ইমাম আবু হানীফা (রহ.) একশত হিজরীর পরে অর্থাৎ তাঁর বিশ বছর বয়সের পর তিনি হাদীস শিক্ষায় মনোনিবেশ করেন এবং অনেক প্রসিদ্ধ আলিম হতে হাদীস

^{৫৫} উক্তদুল জিমান, ১৬১ পৃঃ।

^{৫৬} সিয়ার আলামিনুবালা, ৬/৪০৩ পৃঃ।

^{৫৭} উস্মানুদ্দীন ইন্দা ইমাম আবু হানীফা, ১৫ পৃঃ।

শিক্ষালাভ করেন।^{৫৮} কিন্তু হাদীস বর্ণনার ক্ষেত্রে তাঁর ভূমিকা খুবই নগন্য। এর দুটি কারণ হতে পারে,

প্রথম কারণ : তিনি হাদীস বর্ণনায় কঠোরতা অবলম্বন করতেন, অর্থাৎ হাদীস বর্ণনাকারীর পূর্ণ মুখ্য বর্ণনাকেই শুধু মনে নিতেন। ইমাম ইবনু সালাহ (রহ.) বলেন :

شَدَّدْ قَوْمٌ فِي الرَّوَايَةِ فَأَفْرَطُوا، وَتَسَاهَلَ فِيهَا آخِرُونَ فَفَرَطُوا وَمَنْ
الْتَّشَدَّدَ مِذْهَبٌ مِنْ قَالَ : لَاحِقَةٌ إِلَّا فِيمَا رَوَاهُ الرَّاوِي مِنْ حَفْظِهِ، وَذَلِكَ
مَرْوِيٌّ عَنْ مَالِكٍ وَأَبِي حَنِيفَةَ

“হাদীস বর্ণনায় একশ্রেণীর মানুষ কঠোরতা অবলম্বন করে সীমালঞ্চন করেছেন, আবার আরেক শ্রেণী শিখিলতা অবলম্বন করে সীমালঞ্চন করেছেন। কঠোরতার মধ্যে হল, যারা মনে করেন যে, বর্ণনাকারীর শুধু মুখ্য বর্ণিত হাদীস ছাড়া অন্য হাদীস দলীল হিসাবে গ্রহণযোগ্য হবে না, ইহা ইমাম মালিক ও ইমাম আবু হানীফার মত।”^{৫৯}

দ্বিতীয় কারণ : ইমামের হাদীস বর্ণনা কম হওয়ার অপর কারণ হলো তিনি মাসআলা-মাসায়েলের গবেষণায় বেশী ব্যস্ত থাকতেন। হাদীস বর্ণনার সুযোগ হত না।

উকুদুল জিমান গ্রন্থের লিখক বলেন,
وَإِنَّمَا قَلَتِ الرَّوَايَةُ عَنْهُ..... لَا شُغْلَ عَنِ الرَّوَايَةِ بِاسْتِبْلَاطِ الْمَسَائِلِ مِنِ
الْأَدْلَةِ كَمَا كَانَ أَجْلَاءُ الصَّحَابَةِ كَأَبِي بَكْرٍ وَعُمَرٍ وَغَيْرِهِمَا يَشْتَغِلُونَ بِالْعَمَلِ
عَنِ الرَّوَايَةِ حَتَّى قَلَتِ رَوَايَاهُمْ بِالنِّسَبَةِ إِلَى كَثْرَةِ إِطْلَاعِهِمْ

“ইমাম সাহেবের বিভিন্ন দলীলের মাসআলার গবেষণায় ব্যস্ততার দরুন হাদীস বর্ণনা কমে গেছে, যেমন- প্রসিদ্ধ সাহাবী আবু বকর, ওমার (রহ.) সহ অনেকেই প্রচুর জানা-শুনা থাকা সত্ত্বেও বিভিন্ন কাজে ব্যস্ততার দরুন হাদীস বর্ণনা করতে পারেন নি।”^{৬০}

^{৫৮} সিয়ারু আলমিমুবালা, ৬/৩৯৬ পৃঃ।

^{৫৯} উল্মূল হাদীস- ১৮৫, ১৮৬ পৃঃ, (আত্তাকস্তদ ওয়াল ইয়াহ সহ)।

^{৬০} উকুদুল জিমান- ৩১৯, ৩২০ পৃঃ।

অবশ্য এ ব্যক্ততার কারণে তিনি হাদীস সংরক্ষণেও তেমন গুরুত্ব দিতে পারেননি। ইমাম যাহাবী (রহ.) বলেন,

لَمْ يُصْرِفِ الْإِمَامُ هُمَّهُ لِضَبْطِ الْأَلْفَاظِ وَالْأَسَانِيدِ، وَإِنَّمَا كَانَتْ هُمَّهُ
الْقُرْآنُ وَالْفَقْهُ، وَكَذَلِكَ حَالٌ كُلُّ مَنْ أَقْبَلَ عَلَى فِنْ، فَإِنَّهُ يَقْصُرُ عَنْ غَيْرِهِ

“ইমাম সাহেব হাদীসের শব্দ ও সনদ বা সূত্র রপ্ত ও যব্ত করণে গুরুত্ব দিতে পারেননি, তাঁর গুরুত্ব ছিল কুরআন ও ফিকাহ শাস্ত্রে, বস্তুতঃ সকল ব্যক্তির এমনই অবস্থা হয়, এক বিষয়ে গুরুত্ব দিলে অপর বিষয় ঘাটাতি হয়ে যায়।”^{৬১}

ইমাম আবু হানীফা (রহ.)-এর নামে কিছু হাদীসের সংকলন উল্লেখ করা হয় এবং বলা হয় এগুলি ইমাম আবু হানীফার (রহ.)। মূলতঃ ওই সব ইমাম সাহেবের সংকলন নয় বরং তাঁর অনেক পরে সেগুলি সংকলন করে তাঁর নামে সম্পৃক্ত করা হয়েছে।^{৬২} আল্লামাহ শাহ আবদুল আয়ীয দেহলবী হানাফী (রহ.) বলেন :

بَلْ جَمِيعُهَا الْجَامِعُونَ بَعْدَ أَزْمَنَةٍ مُتَطَاوِلَةٍ

“বরং সে গ্রন্থগুলো অনেক পরে বিভিন্নজন সংকলন করেছেন।”^{৬৩}

ইমাম ইবনু হাজার আসকালামী (রহ.) বলেন :

وَكَذَلِكَ مَسْنَدُ أَبِي حِنْفَةِ تَوْهِمٍ أَنَّهُ جَمِيعُ أَبِي حِنْفَةِ وَلِيْسَ كَذَلِكَ...

“অনুরূপ মুস্নাদ আবী হানীফাহ ধারণা করা হয় ইহা ইমাম আবু হানীফার সংকলন, আসলে তা নয়.....।”^{৬৪}

অতএব বলা যেতে পারে যে, ইমাম আবু হানীফার নামে হাদীসের যে গ্রন্থগুলি উল্লেখ করা হয় সেগুলি হয়তো ইমাম আবু হানীফা হতে তাঁর ছাত্রাবাসের পর যে হাদীসগুলি সংকলন করে তাঁর নামে প্রকাশ করেছেন, অথবা অতি ভক্তির কারণে নিজের সংগৃহীত হাদীস তাঁর নামে সংকলন করে প্রকাশ করা হয়েছে, ওয়াল্লাহ ‘আলাম।

^{৬১} মানাকিব আবী হানীফাহ ও সাহিবাইহী লিব্যাহাবী- ২৮ পৃঃ।

^{৬২} উস্মানীয় ইন্দা আবী হানীফা- ১০০-১০৭ পৃঃ।

^{৬৩} বৃষ্টামুল মুহাদ্দিসীন, ৫০ পৃঃ।

^{৬৪} তাঁজিলুল মানফাআহ, ০৫ পৃঃ।

সঠিক আকুদাবিশ্বাসে ইমাম আবু হানীফা (রহ.) : ইমাম আবু হানীফা (রহ.) বাতীল আকুদাবিশ্বাসে পোষণকারী জাহমিয়া, মুরখিয়া, মুতায়িলা ইত্যাদি সম্প্রদায়গুলির সাথে তর্কযুদ্ধে লিঙ্গ হয়েছেন, এক প্রতিষ্ঠায় বাতিলের বিরুদ্ধে সংগ্রাম করেছেন এবং আহলুস সুন্নাহ ওয়াল জামাআতের সঠিক আকুদাবিশ্বাসে ঐক্যমত পোষণ করেছেন। প্রায় সকল মাসআলায় তিনি একমত শুধু ঈমানের সংজ্ঞা, হ্রাসবৃদ্ধি বিষয়ে ভিন্নমত পোষণ করেছেন। আল্লাহ তাঁ'আলার স্ব-সত্ত্বায় সর্বত্র বিরাজমান না হওয়া বরং আরশে সম্মুখীন হওয়া এবং নিরাকার না হওয়া বরং তাঁর সুস্পষ্ট শুণাবলী সাব্যস্ত করাই হলো ইমামের আকুদাবিশ্বাস। কিন্তু দুঃখের বিষয় যে, আজ যারা ইমাম আবু হানীফা (রহ.)-এর মাযহাবের দুহাই দেয়, তারাই আবার ইমাম আবু হানীফা (রহ.)-এর বিপরীত আকুদাহ-বিশ্বাস পোষণ করে। প্রকৃতপক্ষে তারা ইমাম আবু হানীফার ফতোয়া অনুযায়ী মুসলমান থাকতে পারে না। কারণ- ইমাম আবু হানীফা (রহ.) বলেন, “যে বিশ্বাস করে না যে আল্লাহ স্ব-সত্ত্বায় আরশের উপরে আছেন (অর্থাৎ বিশ্বাস করে যে, আল্লাহ স্ব-সত্ত্বায় সর্বত্র বিরাজমান) সে কাফির।”^{৬২}

ইমাম আবু হানীফা (রহ.)-এর আকুদাহ বিষয়ক পাঁচটি গ্রন্থ রয়েছে বলে উল্লেখ করা হয়। প্রকৃত পক্ষে এগুলো ইমাম সাহেবের প্রতি শুধু সম্পৃক্ত করা হয়েছে। তিনি এগুলো লিখেন নি। তবে “ফিক্হল আকবার” নামে যে গ্রন্থটি ইমামের ছেলে হাম্মাদ (রহ.)-এর সনদে, সেটি অধিকাংশের মতে ইমাম সাহেবের সংকলন,^{৬৩} ওয়াল্লাহ ‘আলাম। মূল কথা ইমাম সাহেবের নিজের রচিত হোক বা তাঁর থেকে শুনে হাম্মাদের রচনা হোক সর্বাবস্থায় প্রমাণ করে যে, ইমাম সাহেবের এবং তাঁর ছেলে হাম্মাদ সঠিক আকুদাহ বিশ্বাসের উপর ছিলেন, যা হতে বর্তমানের হানাফী সমাজ পদস্থাপিত হয়ে গেছে। আল্লাহ আমাদের সকলকে কুরআন ও সহীহ হাদীসের আলোকে সঠিক আকুদাবিশ্বাসের উপর থাকার তাওফীক দান করুন। আমীন!

^{৬২} মুখ্তাসারু আলউলু ১৩৬ পৃঃ।

^{৬৩} উস্লুদীন ইনদা আবী হানীফাহ, ১১৫-১২৫ পৃঃ, আশ্শারহ আল মুয়াস্সার, ০৩ পৃঃ, শরহ কিতাব ফিকহল আকবার, ০৫ পৃঃ, শরহল আকুদাহ তাহাবীয়াহ, ১/২৬৬ পৃঃ।

সুন্নাহ অনুসরণে ইমাম আবু হানীফা (রহ.) এর অবস্থান

ইমাম চতুর্থয়ের প্রথম হলেন ইমাম আবু হানীফা (৮০-১৫০ খ্রিঃ) (রহ.)। সুন্নাহ অনুসরণে ইমাম আবু হানীফা (রহ.) এর অবস্থান সম্পর্কে তাঁর শিষ্যগণ তাঁর একাধিক বক্তব্য বর্ণনা করেন, সকল বক্তব্যের মূল কথা হল ইমামদের সুন্নাহ পরিপন্থী মতামতের তাকলীদ (অঙ্গ অনুসরণ) বর্জন করে সহীহ হাদীস বা সুন্নাহ গ্রহণ করা অপরিহার্য। এ প্রসঙ্গে ইমাম সাহেবের কয়েকটি মূল্যবান বক্তব্য নিম্নে প্রদত্ত হলো :

১। ইমাম আবু হানীফা (রহ.) বলেন :

إِذَا صَحَّ الْحَدِيثُ فَهُوَ مَذْهَبِيٌّ

“কোন বিষয়ে যখন সহীহ হাদীস পাওয়া যাবে, জেনে রেখ সেটাই (সহীহ হাদীসই) আমার মাযহাব বা মত ও পথ” ।^{১১১}

ইমাম সাহেবের এ বক্তব্য সহীহ সনদে প্রমাণিত, তাঁর এ বক্তব্য তাঁর সততা, জ্ঞানের সচ্ছতা এবং আল্লাহভীরতার এক জলন্ত প্রমাণ। এ কথায় প্রমাণিত হয় যে, তিনি নিজেও সহীহ হাদীস পরিপন্থী কোন কথা ও কাজে অটল থাকতে চাননি এবং কোন অনুসারীকে তা পালনে সম্মতিও দেননি। বরং যে যুগে ও যে স্থানে সহীহ হাদীস পাওয়া যাবে তাহাই ইমামের মত ও পথ বলে ঘোষণা দিয়ে সহীহ হাদীস বিরোধী কথা ও কাজ বর্জনের নির্দেশ জারি করেন।

তাঁর একথায় প্রমাণিত হয় যে, সত্যিই তিনি হক্ক ইমাম ছিলেন এবং জীবনে ও মরণে সর্বদায় হক্ক গ্রহণ করেছেন। তাই প্রচলিত মাযহাবের সহীহ হাদীস বিরোধী কর্মকাণ্ডের জন্য কখনও ইমাম সাহেবকে দোষারূপ করা সমিচিন হবে না। বরং ইমাম সাহেবের এ হক্ক বক্তব্য গ্রহণ না করে প্রচলিত মাযহাবের সহীহ হাদীস বিরোধী কথা ও কাজ ইমাম সাহেবের নামে প্রচার করে তা পালনীয় অপরিহার্য ফাতুয়া দিয়ে মাযহাবপন্থী আলিমরাই ইমাম আবু হানীফার (রহ.) উপর যুলম করেছেন। ইমাম সাহেব সহীহ হাদীস বিরোধী কর্মকাণ্ড হতে মুক্ত হতে চাইলেও গোঁড়া

^{১১১} ইবনু অবিদীন- আল বাহর আর রায়িক এর হাশিয়ায়-১/৩৬ পৃঃ, এবং রাসমুল মুফতী-১/৪ পৃঃ।
শাহীখ সালিহ আল ফুলানী- ইকায়ুল হিমাম-৬২ পৃঃ।

মাযহাবপন্থীরা তাঁকে যুক্তি হতে দিতে চায় না। আল্লাহ ইমাম সাহেবকে যেরূপ হোদায়াত দিয়েছেন, মাযহাব পন্থীদেরও সেরূপ হোদায়াত দান করুন। আমীন!

ইমাম সাহেব যেহেতু রাসূল ﷺ হতে অধিক হাদীস বর্ণনাকারী সাহাবীদের কাছে দীর্ঘদিন হাদীস শিক্ষার সুযোগ পান নি এবং সে যুগে প্রসিদ্ধ হাদীস গ্রন্থগুলিও সংকলণ হয়নি। তাই ইমাম সাহেবের এরূপ বন্ডব্য সঠিক ও বাস্তব হওয়াই যুক্তি যুক্ত, কারণ হলো : তিনি রাসূল ﷺ হতে অধিক হাদীস বর্ণনাকারী সাহাবীদের কাছে দীর্ঘদিন হাদীস শিক্ষার সুযোগ পাননি। দ্বিতীয় কারণ হলো তাঁর যুগে প্রসিদ্ধ হাদীস গ্রন্থগুলিও সংকলিত হয়নি, যেমন সহীহ বুখারীর সংকলক ইমাম বুখারী (রহ.) জন্ম লাভ করেন ১৯৪ হিঃ। সহীহ মুসলিমের সংকলক ইমাম মুসলিম (রহ.) জন্ম লাভ করেন ২০৩ হিঃ, এমনিভাবে ইমাম আবু দাউদ, তিরমিয়ী, নাসাই ও ইবনে মাজাহ (রাহিমাহুল্লাহ) ইত্যাদি সকলেই ইমাম আবু হানীফার (রহ.) মত্ত্যুর ৪৪ বছর ও তারও পরে জন্ম গ্রহণ করেন, অতঃপর তারা তাদের হাদীস গ্রন্থসমূহ সংকলণ করেন। তাই ইমাম আবু হানীফা (রহ.) এর শুভকামনা যে, এমন একদিন আসবে যেদিন হাদীস সংকলণ হবে, যঙ্গে দূর্বল হাদীস হতে সহীহ হাদীস চিহ্নিত হয়ে যাবে, তখন আর দূর্বল হাদীসের সমাদর থাকবেনা। সহীহ হাদীস উপস্থিত হলে ঈমানী দাবী হিসাবে শুধুমাত্র সহীহ হাদীসকেই আকঁড়ে ধরতে হবে। এ চিন্তা চেতনার আলোকেই তাঁর অমীর বাণী “কোন বিষয়ে যখন সহীহ হাদীস পাওয়া যাবে, জেনে রেখ স্টোই (সহীহ হদীসই) আমার মাযহাব বা মত ও পথ।”

২। ইমাম আবু হানীফা (রহ.) বলেন :

"لَا يَحِلُّ لِأَحَدٍ أَنْ يَأْخُذَ بِقَوْلِنَا مَا لَمْ يَعْلَمْ مِنْ أَئِنَّ أَحَدَنَا" وَفِي رِوَايَةٍ :
 حَرَّاًمٌ عَلَى مَنْ لَمْ يَعْرِفْ ذِيلِيْ أَنْ يُفْتَنَ بِكَلَامِيْ" وَزَادَ فِي رِوَايَةٍ : "إِنَّا بَشَرٌ"
 تَعُولُ الْقَوْلَ الْيَوْمَ وَتَرْجِعُ عَنْهُ غَدًا" وَفِي أَخْرِي : "وَيَحْكُمْ يَا يَعْقُوبَ ! (هُوَ أَبُو
 يُوسُفَ) لَا تَكْتُبْ كُلَّ مَا تَسْمَعُ مِنِّي، فَإِنِّي قَدْ أَرَى الرَّأْيَ الْيَوْمَ وَأَثْرُكُهُ غَدًا،
 وَأَرَى الرَّأْيَ غَدًا وَأَثْرُكُهُ بَعْدَ غَدِّ"

“আমরা আমাদের কথাগুলি কোন্ দলীল হতে গ্রহণ করেছি ইহা অবগত হওয়া ছাড়া আমাদের কথা বা ফাতাওয়া গ্রহণ করা কারো জন্য বৈধ নয়”^{১৫৬}

অন্য বর্ণনায় রয়েছে : “যে ব্যক্তি আমার দলীল অবগত নয়, তার পক্ষে আমার কথা অনুযায়ী ফতুয়া দেয়া সম্পূর্ণ হারাম।” এর সাথে অন্য বর্ণনায় বর্ধিত অংশ হল : “আমরা সাধারণ মানুষ আজকে এক ফাতাওয়া দেই, আবার আমীকাল তা প্রত্যাহার করে থাকি।”

অন্য বর্ণনায় রয়েছে : তিনি স্বীয় শিষ্য ইয়াকুব ইমাম আবু ইউসুফ কে বলেন : “সাবধান তুমি আমার কাছে যা কিছুই শুন, সবই লিখ না, কারণ আমি আজ এক সিদ্ধান্ত নেই, আবার আগামীকাল তা প্রত্যাখ্যান করি। আবার আগামীকাল এক ফাতাওয়া বা সিদ্ধান্ত নেই, তার পরের দিন তা প্রত্যাখ্যান করি।”^{১৫৭}

আলোচ্য বক্তব্য হতে প্রমাণিত হয় যে, ইমাম সাহেব দলীল ভিত্তিক ফাতওয়া প্রদানে সচেষ্ট ছিলেন। প্রয়োজনের তাগীদে কোন বিষয়ে কিয়াসের আলোকে ফাতওয়া দিলেও দলীল বিহীন ও কিয়াস ভিত্তিক ফাতওয়া অনুযায়ী অন্যকে ফাতওয়া প্রদানের অনুমতি দেন নি, বরং হারাম করে দিয়েছেন। এসব প্রমাণ করে যে, প্রচলিত হানাফী মাযহাবের সহীহ হাদীস পরিপন্থী ইমামের নামে ফাতওয়া সমূহ প্রচার প্রসার করা না জারেয ও হারাম। কারণ এ সমস্ত সহীহ হাদীস বিরোধী মাসায়েল প্রচার করে মানুষকে বিভ্রান্ত করা হয় এবং ইমাম সাহেবের প্রতি মানুষের অশ্রদ্ধার সুযোগ করে দেয়া হয়, অথচ ইমাম সাহেব (রঃ) এক্ষেত্রে কতইনা সতর্ক ও সচেতন।

ইমাম আল্লামা মুহাম্মদ নাসিরুল্দীন আলবানী (রঃ) কতইনা সুন্দর কথা বলেছেন: “ইমাম আবু হানীফা (রহ.) এর যে সমস্ত কথা সহীহ হাদীস বিরোধী পাওয়া যায় সেগুলোর ক্ষেত্রে যদি ইমামের এরূপই অবস্থান

^{১৫৬} ইবনু আবিল বার আল ইন্তিকা- (الإنتقاء في فضائل النّلاّة الأئمّة الْفَقِهاء)-, গ্রন্থে ১৪৫ পঃ, ইলামুল মুয়ার্কিন- ২/৩০৯ পঃ। ইবনু আবিদিন আল বাহর আল রয়িক এর হাশিয়ায়-৬/২৯৩ পঃ: আশৃশারানী- আল মিয়ান- ১/৫৫ পঃ। শায়খ আল ফুলানী- ইকায়ুল হিমাম- ৫২ পঃ: ইমাম যুক্তার হতে সহীহ সনদে প্রমাণিত।

^{১৫৭} শায়খ আলবানী (রহ.) সিফাতু সালাতিনুবী ﷺ - ৮৭ পঃ:

হয়, অর্থাৎ তিনি সহীহ দাহীস পেয়েও ইচ্ছাকৃত ভাবে এরূপ ফাতাওয়া প্রদান করেননি, বরং না পাওয়া অবস্থায় এরূপ ফাতওয়া প্রদান করেছেন। এটা অবশ্যই ইমাম সাহেবের গ্রহণযোগ্য ওজর। কারণ আল্লাহ তা'আলা সাধের বাইরে কিছু চাপিয়ে দেননি। সুতরাং ইমাম সাহেবকে দোষাঙ্কণ করা কখনও জায়ে হবে না। বরং তাঁর প্রতি শুন্দা ও ভাল আচরণ প্রদর্শন করতে হবে, কেননা তিনি মুসলমানদের ঐসব ইমামদের অন্যতম যারা দ্বিনের জন্য অবদান রেখেছেন। বরং অপরাধ ও অবৈধ কর্মে লিখ হয়েছে তারা যারা ইমামের সহীহ হাদীস বিরোধী কথাগুলো কোঠর ভাবে আঁকড়ে ধরে অথচ এগুলো ইমামের মাযহাব নয়। কারণ সহীহ হাদীসই হল তাঁর মাযহাব। অতএব ইমাম সাহেব হলেন এক প্রাপ্তে, আর ঐসব অনুসারীরা হল আরেক প্রাপ্তে।”^{১৫৮}

৩। ইমাম আবু হানীফা (রহ.) বলেন :

“إِذَا قَلْتُ قَوْلًا يُخَالِفُ كِتَابَ اللَّهِ تَعَالَى وَخَبَرَ الرَّسُولِ فَأَثْرُكُوهُ قَوْلِي”

“আমি যদি এমন কথা বলি যা আল্লাহ তা'আলার কিতাব- কুরআন এবং রাসূল ﷺ এর হাদীসের বিপরীত বা পরিপন্থী হয়, তখন আমার কথাকে বর্জন কর (কুরআন ও হাদীসকে আঁকড়ে ধর)।”^{১৫৯}

যিনি ইমামুল মুসলিমিন তিনি কিভাবেই বা বলতে পারেন যে, কুরআন ও হাদীস ছেড়ে আমার কথাকেই আঁকড়ে ধর। অথচ আল্লাহ তা'আলা বলেন:

﴿يَا أَيُّهَا الَّذِينَ آمَنُوا لَا تُقْدِمُوا بَيْنَ يَدِيِ اللَّهِ وَرَسُولِهِ وَأَنْقُوَا اللَّهَ﴾

“হে ইমানদারগণ! তোমরা আল্লাহ এবং তাঁর রাসূলের অগ্রে কোন কিছু প্রাধান্য দিও না, আর আল্লাহকে ভয় কর।”^{১৬০}

অতএব আল্লাহ ভীরু ইমাম আবু হানীফা (রহ.) অবশ্যই বলবেন যে, কুরআন ও হাদীস গ্রহণ কর এবং আমার কথা বর্জন কর। কিন্তু দুঃখের

^{১৫৮} শায়খ আলবানী (রহ.) সিফাতু সালাতিন নাবী- ৪৭,৪৮ পঃ।

^{১৫৯} শায়খ আল ফুলানী- ইকায়ুল হিমাম-৫০ পঃ।

^{১৬০} সূরা আল হজরাত- আয়াত ১।

বিষয় হল তথা কথিত হানীফী মাযহাব অনুসারী ভাইয়েরা ইমাম আবু হানীফার (রহ.) দুহাই দিয়ে সহীহ হাদীস বিরোধী ফাতওয়া আঁকড়ে ধরতে বন্ধপরিকর। আল্লাহ আমাদের সকল গেঁড়ামী বর্জন করে কুরআন ও সহীহ হদীসের অনুসারী হওয়ার তাওফীক দান করুন! কোন ব্যক্তির অঙ্গ অনুসারী না হয়ে ইমাম আবু হানীফার (রহ.) নির্দেশ উপদেশও অনুযায়ী কুরআন ও সহীহ হাদীস আঁকড়ে ধরার তাওফীক দান করুন! আমীন!

৪। ইমাম আবু হানীফা (রহ.) বলেন :

"وَأَصْحَابُ أَبِي حَنِيفَةَ رَحْمَةُ اللَّهِ مُجْمَعُونَ عَلَى أَنْ مَذَهَبَ أَبِي حَنِيفَةَ
أَنْ ضَعِيفُ الْحَدِيثِ عِنْدَهُ أَوْلَى مِنِ الْقِيَاسِ وَالرَّأْيِ"

"ইমাম আবু হানীফা (রহ.) এর সকল অনুসারীরা একমত যে, ইমাম আবু হানীফার মত হল: যঙ্গফ (দূর্বল) হাদীস তাঁর কাছে কিয়াস ও অভিমতের চেয়েও অনেক উত্তম।"^{১৬১}

কিয়াস ও অভিমতের চেয়ে যদি যঙ্গফ হাদীস উত্তম ও প্রাধান্য যোগ্য হয়, তাহলে নিঃসন্দেহে কিয়াস ও অভিমতের বিপরীত সহীহ হাদীস পেলে তা মানা অপরিহার্য ফরয। এবং সহীহ হাদীস পেলে কিয়াস ও অভিমত বর্জন করাও ফরয।

৫। ইমাম আবু হানীফা (রহ.) বলেন :

"إِيَّاكُمْ وَالْقَوْلَ فِي دِينِ اللَّهِ بِالرَّأْيِ، وَعَلَيْكُمْ بِاتِّبَاعِ السُّنْنَةِ، فَمَنْ
خَرَجَ عَنْهَا ضَلَّ"^{১৬২}

"সাবধান! তোমরা আল্লাহর দ্বিনে নিজেদের অভিমত প্রয়োগ করা হতে বিরত থাক। সকল অবস্থাতেই সুন্নাহর অনুসরণ কর। যে ব্যক্তি সুন্নাহ হতে বের হবে সে পথঅষ্ট হয়ে যাবে।"^{১৬২}

ইমাম সাহেবের এ বক্তব্য মানুষের হিদায়াত ও পথঅষ্টতার মাঝে পার্থক্য সৃষ্টি করে। অর্থাৎ সুন্নাহকে আঁকড়ে ধরে থাকাই হল হিদায়াত।

^{১৬১} ইবনুল কাইয়িম- ইলুল মুয়াক্কিদিন- ১২/৮২ পৃঃ।

^{১৬২} শা'রানী- মীয়ানে কুবরা- ১/৯ পৃঃ।

আর সুন্নাহ বর্জন করে কোন ব্যক্তি, দল, তারীকা ও মাযহাবের অনুসরণ করাই হল যলালাত বা পথভ্রষ্টতা। ইমাম সাহেবের এ বক্তব্যের পরও কিভাবে তাঁর দুহাই দিয়ে সহীহ হাদীসকে বর্জন করে মাযহাবী গেঁড়ামির আশ্রয় নিয়ে থাকে? আল্লাহ আমাদের হিদায়াত দান করুন এবং সকল মত ও পথ বর্জন করে শুধু কুরআন ও সহীহ হাদীস অনুসরণের তাওফীক দান করুন! আমীন!

ইমাম আবু হানীফা (রহ.) সম্পর্কে আলিম সমাজের প্রশংসা : ইমাম আবু হানীফা (রহ.)-এর ব্যক্তিত্ব ও বৈশিষ্ট্য বর্ণনায় অনেকেই প্রশংসা করেছেন, যেমন-

১. ইমাম আহমাদ বিন হামল (রহ.) বলেন : “ইমাম সাহেব শিক্ষা, আল্লাহ ভীরুত্ব ও আধিরাতমুখী হিসাবে এক বিশেষ অবস্থানে ছিলেন। আবু জাফর আল মানসুরের কাজী বা বিচারকের পদ গ্রহণের জন্য তাঁকে প্রহার পর্যন্ত করা হয়েছে তবুও তিনি তা গ্রহণ করেননি, আল্লাহ তাকে বিশেষ রহম করুন।”^{৬৭}
২. ইমাম ইবনু তাইমিয়া (রহ.) বলেন : “যদিও মানুষেরা ইমাম আবু হানীফার কিছু বিষয়ে বিরোধিতা করেছেন এবং অপচন্দ করেছেন, কিন্তু তাঁর জ্ঞান ও বিবেক-বৃদ্ধিতে কারো কোনরূপ সন্দেহ নেই।”^{৬৮}
৩. ইমাম যাহাবী (রহ.) বলেন : “ইমাম আবু হানীফা (রহ.) একজন বিশিষ্ট আলিম, গবেষক, সাধক ও ইমাম ছিলেন। তিনি বড় ব্যক্তিত্বের অধিকারী ছিলেন, রাজা-বাদশাহদের কোন পুরস্কার গ্রহণ করতেন না।”^{৬৯}

ইমামের মৃত্যুবরণ : মহান ব্যক্তিত্বের অধিকারী ইমাম আবু হানাফী (রহ.) ১৫ই শাবানে ১৫০ হিঃ, ৭০ বছর বয়সে পরপারে পাড়িজমান, এবং বাগদাদের গোরস্থানে তাকে দাফন করা হয়।^{৭০} আল্লাহ তাঁকে রহম করুন এবং জান্মাতুল ফিরদাউসে স্থান দান করুন। আমীন!

^{৬৭} উকুদুল জিমান, ১৯৩ পৃঃ।

^{৬৮} মিনহাজুম সুন্নাহ, ২/৬১৯ পৃঃ।

^{৬৯} তায়কিরতুল হক্কায়, ১/১৬৮ পৃঃ।

^{৭০} আল ইস্তিকা, ১৭১ পৃঃ।

সূচিপত্র

ইমাম মালিক (রহ.) এর জীবনী

নাম, উপনাম ও বংশ

জন্ম ও প্রতিপালন

শিক্ষা জীবন

ইমাম মালিকের (রহ.) শিক্ষকবৃন্দ

ইমাম মালিকের (রহ.) এর ছাত্রবৃন্দ

জ্ঞান গবেষণায় ইমাম মালিক (রহ.)

হাদীস শাস্ত্রে ইমাম মালিক (রহ.)

হাদীস সংগ্রহে কঠোর সতর্কতা

হাদীস পালনে ইমাম মালিক

হাদীস শিক্ষাদান ও ফতোয়া প্রদান

সঠিক আক্ষীদা ও বিশ্বাসে ইমাম মালিক (রহ.)

ইমাম মালিক (রহ.) সম্পর্কে আলিম সমাজের প্রশংসনা

ইমাম মালিকের (রহ.) গ্রন্থাবলী

ইমাম মালিকের (রহ.) মৃত্যুবরণ

সুন্নাহ অনুসরণে ইমাম মালিক (রহ.)-এর অবস্থান

ইমাম মালিক (রহ.)-এর সংক্ষিপ্ত জিবনী

নাম, উপনাম ও বৎশ : নাম মালিক, উপনাম আবু আব্দুল্লাহ।
বৎশনামা : মালিক বিন আনাস বিন আবু আমির বিন আমর বিন হারিস
আল-আসবাহী। তিনি আরবের প্রসিদ্ধ গোত্র কাহত্তান এর উপগোত্র
আসবাহ অন্তর্ভুক্ত, এজন্য ‘আল-আসবাহী’ বলে পরিচিত।^১

জন্ম ও প্রতিপালন : ইমাম মালিক (রহ.) পরিত্র মদীনা নগরীতে
এক সন্তুষ্ট শিক্ষানুরাগী মুসলিম পরিবারে জন্মলাভ করেন। জন্মের সম
নিয়ে কিছু মতামত থাকায় ইমাম যাহাবী (রহ.) বলেন : বিশুদ্ধ মতে ইমাম
মালিক (রহ.)-এর জন্ম সন হল ৯৩ হিজরী, যে সনে রাসূলুল্লাহ ﷺ-এর
খাদেম আনাস বিন মালিক (رضي الله عنه) মৃত্যুবরণ করেন।^২

তিনি পিতা আনাস বিন মালিকের কাছে মদীনায় প্রতিপালিত হন।
তাঁর পিতা তাবে-তাবেই ও হাদীস বর্ণনাকারী ছিলেন, যার কাছ থেকে
ইমাম যুহুরীসহ অনেকেই হাদীস বর্ণনা করেন। খুদ ইমাম মালিকও পিতার
নিকট থেকে হাদীস বর্ণনা করেন।^৩ তাঁর দাদা আবু আনাস মালিক (রহ.)
প্রসিদ্ধ তাবেই ছিলেন, যিনি ওমার, আয়িশা ও আবু হুরায়রা (رضي الله عنهما) হতে
হাদীস বর্ণনা করেন।^৪ তাঁর পিতামহ আমির বিন আমর (رضي الله عنه) প্রসিদ্ধ
সাহাবী ছিলেন।^৫ এ সন্তুষ্ট দ্বিনী পরিবেশে জ্ঞানপিপাসা নিয়েই তিনি
প্রতিপালিত হন।

শিক্ষা জীবন : রাসূল ﷺ-এর হিজরতের পর হতে আজও পর্যন্ত
দ্বিনী জ্ঞান চর্চার প্রাণকেন্দ্র হলো মদীনা। সে মদীনাতে জন্মলাভ করার অর্থ
হল দ্বিনী জ্ঞান চর্চার প্রাণকেন্দ্রেই জন্ম লাভ করা। বিশেষ করে বংশীয়ভাবে
তাঁদের পরিবার ছিল দ্বিনী জ্ঞানচর্চায় অংগীকারী। এজন্য তিনি শৈশবকাল

^১ তারতীবুল মাদারিক, ১/১০২ পৃঃ, সিয়াকু আলামিন নুবালা, ৮/৪৮ পৃঃ, আল-আনসাব লিস্সাম আনী,
১/২৮৭ পৃঃ, আত্-তামহীদ, ১/৮৯ পৃঃ, মানাকিব মালিক লিয়্যাওয়াবী, ১৬০-১৬২ পৃঃ, আল-ইনতিকা,
৯-১১ পৃঃ ইত্যাদি।

^২ তারতীবুল মাদারিক, ১/১১০ পৃঃ, মানাকিব মালিক লিয়্যাওয়াবী, ১৫৯ পৃঃ।

^৩ মানহাজু ইমাম মালিক, ২২ পৃঃ।

^৪ তারতীবুল মাদারিক, ১/১০৭ পৃঃ।

^৫ আল ইসাবাহ ৭/২৯৮ পৃঃ।

হতেই শিক্ষা শুরু করেন। বিশেষ করে তাঁর মাতা তাকে শিক্ষার প্রেরণা যোগান। ইমাম মালিক (রহ.) বলেন : আমি একদিন মাকে বললাম, “আমি পড়ালিখা করতে যাব! মা বললেন : আস শিক্ষার লেবাস পড়, অতঃপর আমাকে ভাল পোষাক পড়ালেন, মাথায় টুপি দিলেন এবং তার উপর পাগড়ি পড়িয়ে দিলেন, এরপর বললেন : এখন পড়া লিখার জন্য যাও।

তিনি বলেন : মা আমাকে ভালভাবে কাপড় পড়িয়ে দিয়ে বলতেন : যাও মদীনার প্রসিদ্ধ আলিম রাবিয়াহর কাছে এবং তাঁর জ্ঞান শিক্ষার আগে তাঁর আদব আখ্লাক শিক্ষা কর।^{১৬} এভাবে তিনি মদীনার প্রসিদ্ধ মুহাম্মদিস, ফকীহদের নিকট হতে শিক্ষালাভ করেন।

ইমাম মালিকের (রহ.) শিক্ষক বৃন্দ : ইমাম মালিক (রহ.) অসংখ্য বিদ্যানের নিকট শিক্ষালাভ করেন। ইমাম যুরকানী (রহ.) বলেন : “ইমাম মালিক (রহ.) নয়শতের অধিক শিক্ষকের কাছে শিক্ষা গ্রহণ করেন। বিশেষ করে ইমাম মালিক স্বীয় গ্রন্থ মুয়াজ্বায় যে সব শিক্ষক হতে হাদীস বর্ণনা করেছেন, তাদেরই সংখ্যা হল ১৩৫ জন, যাদের নাম ইমাম যাহাবী “সিয়ার” গ্রন্থে উল্লেখ করেছেন।^{১৭} তন্মধ্যে উল্লেখযোগ্য কয়েকজন নিম্নরূপ :

১. ইমাম রাবীয়া বিন আবু আবদুর রহমান (রহ.)।
২. ইমাম মুহাম্মদ বিন মুসলিম আয়য়ুহুরী (রহ.)।
৩. ইমাম নাফি মাওলা ইবনু ওমার (রহ.)।
৪. ইব্রাহীম বিন উক্বাহ (রহ.)।
৫. ইসমাঈল বিন মুহাম্মদ বিন সাদ (রহ.)।
৬. লুমাইদ বিন কায়স আল ‘আরজ (রহ.)।
৭. আইয়ুব বিন আবী তামীমাহ আস্সাখতিয়ানী (রহ.) ইত্যাদি।^{১৮}

ইমাম মালিক (রহ.)-এর ছাত্র বৃন্দ : ইমাম মালিক (রহ.) হলেন ইমাম দারিল হিজরাহ, অর্থাৎ মদীনার ইমাম। অতএব মদীনার ইমামের

^{১৬} তারতীবুল মাদারিক, ১/১১৯ পৃঃ।

^{১৭} সিয়ারা আলামুন্বালা, ৮/৪৯ পৃঃ।

^{১৮} সিয়ারা আলামুন্বালা, ৮/৪৯-৫১ পৃঃ।

ছাত্র হওয়ার সৌভাগ্য কে না চায়। তাই তাঁর ছাত্র অগণিত। ইমাম যাহাবী উল্লেখযোগ্য ১৬৬ জনের নাম বর্ণনা করেছেন। ইমাম খাতীব বাগদাদী ৯৯৩ জন উল্লেখ করেন।^{৭৯} ইমামের প্রসিদ্ধ কয়েকজন ছাত্রের নাম নিম্নে প্রদত্ত হল :

১. ইমাম মুহাম্মদ বিন ইদ্রিস আশ্শাফেই (রহ.)।
২. ইমাম সুফাইয়ান বিন উয়ায়নাহ (রহ.)।
৩. ইমাম আব্দুল্লাহ বিন মুবারক (রহ.)।
৪. ইমাম আবু দাউদ আত্তায়ালিসী (রহ.)।
৫. হাম্মাদ বিন যায়দ (রহ.)।
৬. ইসমাইল বিন জাফর (রহ.)।
৭. ইবনু আবী আয়িনাদ (রহ.) ইত্যাদি।^{৮০}

জ্ঞান গবেষণায় ইমাম মালিক (রহ.) : ইমাম মালিক (রহ.) জন্মগতভাবেই অসাধারণ প্রতিভার অধিকারী ছিলেন। মেধা শক্তি ছিল খুবই প্রখর। আবু কুদামাহ বলেন : “ইমাম মালিক স্বীয় যুগে সর্বাধিক মেধা শক্তি সম্পন্ন ব্যক্তি ছিলেন।^{৮১}

হসাইন বিন উরওয়াহ হতে বর্ণিত : তিনি বলেন : “ইমাম মালিক বলেন : একদা ইমাম যুহুরী (রহ.) আমাদের মাঝে আসলেন, আমাদের সাথে ছিলেন রাবীয়াহ। তখন ইমাম যুহুরী (রহ.) আমাদেরকে চল্লিশের কিছু অধিক হাদীস শুনালেন। অতঃপর পরেরদিন আমরা ইমাম যুহুরীর কাছে আসলাম, তিনি বললেন : কিতাবে দেখ আমরা কি পরিমান হাদীস পড়েছি, আরো বললেন, গতকাল আমরা যে হাদীস বর্ণনা করেছি, তোমরা কি কিছু পড়েছ? তখন রাবীয়া বললেন : হ্যাঁ, আমাদের মাঝে এমনও ব্যক্তি আছেন যিনি গতকাল আপনার বর্ণনাকৃত সব হাদীস মুখ্যত শুনাতে পারবেন। ইমাম যুহুরী বললেন : কে তিনি? রাবিয়া বললেন : তিনি ইবনু

^{৭৯} তারতীবুল মাদারিক, ১/২৫৪ পৃঃ। সিয়ারুল আলামুন্বালা, ৮/৫২ পৃঃ।

^{৮০} সিয়ারুল আলামুন্বালা, ৮/৫২-৫৪ পৃঃ।

^{৮১} আত্-তামইদ, ১/৮১ পৃঃ।

আবী আমীর অর্থাৎ ইমাম মালিক। ইমাম যুহুরী বললেন : হাদীস শুনাও, ইমাম মালিক বলেন : আমি তখন গতকালের চল্লিশটি হাদীস মুখ্যত শুনালাম। ইমাম যুহুরী বলেন : আমার ধারণা ছিল না যে, আমি ছাড়া এ হাদীসগুলো এভাবে আর দ্বিতীয় কেউ মুখ্যত করেছে।^{৮২}

অতএব ইমাম মালিক (রহ.)-এর অসাধারণ পাণ্ডিত্বের সাথে গভীরভাবে জ্ঞান গবেষণা ও সংরক্ষণ সম্পর্কে আর বেশী কিছু বলার অপেক্ষা রাখে না।

হাদীস শাস্ত্রে ইমাম মালিক (রহ.) : হাদীস শাস্ত্রে ইমাম মালিক (রহ.) এক উজ্জ্বল নক্ষত্র, হাদীস সংকলনে অগ্রন্ত্যায়ক। যদিও তাঁর পূর্বে কেউ কেউ হাদীস সংকলন করেন, যেমন ইমাম যুহুরী, কিন্তু ইমাম মালিক (রহ.)-এর হাদীসের সাধনা, সংগ্রহ ও সংকলন ছিল বিশেষ বৈশিষ্ট্যপূর্ণ। এজন্যই তাঁর সংকলিত গ্রন্থকে বলা হয়,

أَصْحَاحُ الْكِتَابِ بَعْدَ كِتَابِ اللَّهِ تَعَالَى الْمُوْطَأُ مَالِكٌ

“আল্লাহর কিতাব কুরআনের পর সর্ববিশুদ্ধ হাদীস গ্রন্থ ইমাম মালিকের মুয়াত্তা গ্রন্থ।^{৮৩}

তিনি হাদীস শিক্ষায় পারিবারিকভাবে উৎসাহী হলেও তাঁর অসাধ্য সাধন এবং অক্ষণ্ট পরিশ্রমের ফলে অনেক অগ্রসর হয়েছেন। শয়নে স্বপনে সব সময় একই চিন্তা, কিভাবে তিনি হাদীস শিক্ষালাভ করবেন। মানুষ যখন অবসরে তখন তিনি হাদীসের সন্ধানে। ইমাম মালিক একদা সৈদের সালাতে ইমাম যুহুরীকে পেয়ে মনে করলেন, আজ মানুষ সৈদের আনন্দে ব্যস্ত, হয়ত ইমাম যুহুরীর কাছে একাকী হাদীস শিক্ষার সুযোগ পাওয়া যাবে। সৈদের ময়দান হতে চললেন ইমাম যুহুরীর বাসায়, দরজার সামনে বসলেন, ইমাম ভিতর থেকে লোক পাঠালেন গেটে দেখার জন্য, ইমামকে জানানো হল যে, গেটে আপনার ছাত্র মালিক, ইমাম বললেন : ভিতরে আসতে বল। ইমাম মালিক বলেন, আমি ভিতরে গেলাম। আমাকে

^{৮২} আত্তাহীদ, ১/৭১ পৃঃ, তারতীবুল মাদারিক, ১/১২১ পৃঃ।

^{৮৩} আত্তামহীদ, ১/৭৬-৭৯ পৃঃ, আল-হলিয়াহ, ৬/৩২৯ পৃঃ, অবশ্য এ মতব্য সহীহ বুখারীর পূর্বে, সহীহ বুখারী সংকলনের পর বুখারী সর্ববিশুদ্ধ গ্রন্থ।

জিজ্ঞাসা করলেন, মনে হয় তুমি সালাতের পর বাড়ীতে যাওনি? আমি বললাম : হ্যাঁ যাইনি, জিজ্ঞাসা করলেন, কিছু খেয়েছ কি? আমি বললাম : না, তিনি বললেন : খাও, আমি বললাম : খাওয়ার চাহিদা নেই। তিনি বললেন, তাহলে তুমি কি চাও? আমি বললাম : আমাকে হাদীস শিখান, অতঃপর তিনি আমাকে সতেরটি হাদীস শিখালেন।^{১৪}

ইমাম মালিক (রহ.) বেশীভাগ সময় একাকী থাকা পছন্দ করতেন, তাঁর বোন পিতার কাছে অভিযোগ করলেন, আমাদের ভাই মানুষের সাথে চলাফিরা করে না। পিতা জবাব দিলেন : মা তোমার ভাই রাসূল ﷺ-এর হাদীস মুখ্যত করায় ব্যস্ত, তাই একাকী থাকা পছন্দ করে।^{১৫}

হাদীস সংগ্রহে কঠোর সতর্কতা : ইমাম মালিক (রহ.) হাদীস শিক্ষা ও সংগ্রহে সদা ব্যস্ত হলেও যেখানেই বা যার কাছেই হাদীস পেলে তিনি তা গ্রহণ করতেন না, যতক্ষণ না হাদীস বর্ণনাকারীর ঈমান-আকৃতিধার ও সততা সম্পর্কে অবগত হতে পারতেন। বিশ্বস্ত প্রমাণিত হলে হাদীস গ্রহণ করতেন। ইমাম সুফাইয়ান ইবনু উইয়ায়না (রহ.) বলেন : “رَحْمَةُ اللَّهِ مَالِكًا مَا كَانَ أَشَدُ انتِقَادَةً لِلرِّجَالِ وَالْعُلَمَاءِ” “আল্লাহর মালিক কান অশ্ব অন্তিকাদে লর্রাজ ও উলমাদে”^{১৬} আলী বিন মাদীনী (রহ.) বলেন : “হাদীস গ্রহণে কঠোর নীতি ও সতর্কতায় ইমাম মালিকের ন্যায় আর কেউ আছে বলে আমি জানিনা।”^{১৭} এইমাম মালিক বিদ'আতীদের থেকে হাদীস গ্রহণ করতেন না।^{১৮} এ সতর্কতা শুধু তিনি নিজেই অবলম্বন করেন নি, বরং তিনি অন্যদেরকেও গুরুত্বরূপের নির্দেশ দিয়েছেন। তিনি বলেন :

إِنَّ هَذَا الْعِلْمَ دِينٌ فَإِنْظُرُوهُا عَمَّنْ تَأْخُذُونَ دِينَكُمْ، لَقَدْ أَذْرَكْتُ سَبْعِينَ
مِمْنُ يُحَدِّثُ : قَالَ فَلَانُ، قَالَ رَسُولُ اللَّهِ ﷺ، فَمَا أَخَذْتُ عَنْهُمْ شَيْئًا.....

^{১৪} তারতীবুল মাদারিক, ১/১২১ পৃঃ।

^{১৫} তারতীবুল মাদারিক, ১/১১৯ পৃঃ।

^{১৬} আল ইরশাদ লিল খালিলী, ১/১১০-১১২ পৃঃ।

^{১৭} আল মুহাদ্দিস আল ফাসিল, (৪১৪-৪১৬) পৃঃ, আল ইন্তিকা ১৬ পৃঃ, আত্-তামহীদ, ১/৬৭ পৃঃ।

“হাদীস হল দীনের অন্যতম বিষয়, অতএব ভালভাবে লক্ষ কর তোমরা কার নিকট হতে দীন গ্রহণ করছ। আমি সত্ত্বের জন এমন ব্যক্তি পেয়েছি যারা রাসূল ﷺ-এর নামে হাদীস বর্ণনা করে, কিন্তু আমি তাদের কিছুই গ্রহণ করিনি। যদিও তারা অর্থ সম্পদে আমানতদার হয়, কিন্তু এ বিষয়ে তাদেরকে আমি যোগ্য মনে করিনি। অথচ আমাদের মাঝে ইমাম যুহুরীর আগমন হলে হাদীস শিক্ষা ও সংগ্রহে আমরা তাঁর দরবারে ভীর জমাতাম।”^{৮৮}

সুতরাং ইমামু দারিল হিজরা বা মাদীনার ইমাম মালিক (রহ.) রাসূল ﷺ-এর হাদীস শিক্ষা ও সংগ্রহে যেমন জীবন উৎসর্গ করেছেন, তেমনি হাদীস সংরক্ষণে খুব কঠোর ভূমিকা রেখেছেন। *جزء احسن الجزاء*

হাদীস পালনে ইমাম মালিক (রহ.) : হাদীস শুধু কিতাবের পাতায় নয়, বরং তা বাস্তবে পালনের অন্যতম দৃষ্টান্ত হলেন ইমাম মালিক (রহ.)। আব্দুল্লাহ বিন বুকাইর বলেন : “আমি ইমাম মালিককে বলতে শুনেছি তিনি বলেন : ‘আমি কোন আলিমের কাছে যখন বসেছি। অতঃপর তার কাছ হতে বাড়ীতে আসলে তার কাছে শুনা সব হাদীস মুখ্যত করে ফেলি এবং ওই হাদীসগুলির মাধ্যমে আল্লাহর ইবাদত বা আমল না করা পর্যন্ত ওই আলিমের বৈঠকে ফিরে যাইনি।’”^{৮৯}

হাদীস শিক্ষাদান ও ফতোয়া প্রদান : ইমাম মালিক (রহ.) শুধু হাদীস শিক্ষা ও আমল করেই ক্ষতি হননি, বরং শিক্ষার পাশাপাশি মানুষকে শিক্ষা দান ও ফতোয়া প্রদানে বিড়াট অবদান রেখেছেন। ইমাম যাহাবী (রহ.) বলেন : ইমাম মালিক (রহ.) ২১ বছর বয়সে হাদীসের পাঠদান ও ফতোয়া প্রদানে পূর্ণ যোগ্যতা লাভ করেন।^{৯০} ইমাম মালিক (রহ.) বলেন : ইচ্ছা করলেই শুধু হাদীস শিক্ষা ও ফতোয়া প্রদানের জন্য মসজিদে বসা যায় না, রবং এ ক্ষেত্রে যোগ্য ও বিজ্ঞ ব্যক্তিদের পরামর্শ নিতে হবে, তারা যদি উপযুক্ত মনে করেন তাহলে এ কাজের জন্য

^{৮৮} আল মুহাদ্দিস আল ফসিল, (৪১৪-৪১৬) পৃঃ, আল ইনতিকা ১৬ পৃঃ, আত্-তামহীদ, ১/৬৭ পৃঃ।

^{৮৯} ইত্তহাফুস সালিক দ্বঃ মানহাজু ইমাম মালিক, ৩৪ পৃঃ।

^{৯০} সিয়ারু আলামিনুবালা, ৮/৫৫ পৃঃ।

নিয়োজিত হতে পারে। সন্তুর জন বিজ্ঞ পণ্ডিত- শাহখের আমার ব্যাপারে সাক্ষ্য প্রদানের পর আমি এ কাজে নিয়োজিত হই।^{১১} মুস্তাফা বিন আব্দুল্লাহ বলেন : “ইমাম মালিককে কোন হাদীস জিজ্ঞাসা করা হলে তিনি অযুক্ত করে ভাল পোষাক পড়ে সুন্দরভাবে প্রস্তুতি নিতেন, তাঁকে এর কারণ জিজ্ঞাসা করা হলে তিনি জবাবে বলেন : এ হল রাসূল ﷺ-এর হাদীসের জন্য সম্মান প্রদর্শন।”^{১২} সারা মুসলিম বিশ্ব হতে শিক্ষার প্রাণকেন্দ্র মদীনায় জ্ঞান পিপাসুরা শিক্ষার জন্য পাড়ি জমান এবং ইমাম মালিকের মত মুহাদ্দিসের নিকট হতে হাদীস শিক্ষালাভ করে ধন্য হতেন।

ইমাম মালিক (রহ.) ফতোয়া প্রদানেও যথেষ্ট গুরুত্ব প্রদান করতেন। জটিল বিষয়গুলো দীর্ঘ গবেষণার পর ফতোয়া প্রদান করতেন। ইবনু আব্দুল হাকীম বলেন : “ইমাম মালিককে (রহ.) কোন বিষয়ে জিজ্ঞাসা করা হলে তিনি প্রশ্নকারীকে বলতেন যা ও আমি ওই বিষয়ে চিন্তা-গবেষণা করি।” আব্দুর রহমান বিন মাহদী বলেন : ইমাম মালিক বলেন, “কখনও এমন মাস’আলা এসেছে যে, চিন্তা-গবেষণা করতে আমার গোটারাত কেটেগোছে।”^{১৩} ইমাম মালিক (রহ.) কোন বিষয় উত্তর না দেয়া ভাল মনে করলে “জানি না” বলতেও কোন দ্বিধাবোধ করতেন না।^{১৪} কারণ তিনি মনে করতেন প্রশ্নের সম্মুখীন হওয়া মানে জান্নাত ও জাহানামের সম্মুখীন হওয়া। প্রশ্নের উত্তর দিতে গিয়ে যেন আখিরাতে জবাব দিহিতার সম্মুখীন হতে না হয়।^{১৫}

সঠিক আকৃদাহ বিশ্বাসে ইমাম মালিক (রহ.) : আহলুস্স সুন্নাহ ওয়াল জামাআতের আকৃদাহ-বিশ্বাসের অন্যতম ইমাম হলেন ইমাম মালিক (রহ.)। বিশেষ করে আল্লাহ তা’আলার সিফাত গুণবলীর প্রতি ঈমানের যে ক্ষয়দা বা নীতি ইমাম মালিক (রহ.) মুতাযিলাদের প্রতিবাদে বর্ণনা করেন, সেটাই আহলুস সুন্নাহ ওয়াল জামাআতের নীতি। যেমন ইমাম ইবনু আবিল ইয় আল হানাফী শারহুল আকৃদাহ আত তাহাবিয়ায়

^{১১} আল-হলিইয়্যাহ, ৬/৩১৬ পৃঃ।

^{১২} তার তীব্রল মাদারিক, ১/১৫৪ পৃঃ।

^{১৩} আল ইনতিকা, ৩৭-৩৮ পৃঃ।

^{১৪} তায়ইনুল মামালিক, ১৬-১৭ পৃঃ।

^{১৫} আল ইনতিকা, ৩৭ পৃঃ।

উল্লেখ করেন।^{৯৬} কুরআনুল কারীম ও সহীহ হাদীসের আলোকে ইমাম মালিক (রহ.) দৈর্ঘ্য আকৃতিদাহর সকল বিষয়ে হকপছ্বীদের সাথে একমত ছিলেন।^{৯৭}

ইমাম মালিক (রহ.) সম্পর্কে আলিম সমাজের প্রশংসা :

১. ইমাম শাফেঈ (রহ.) বলেন : “আলিম সমাজের আলোচনা হলে ইমাম মালিক তাদের মধ্যে উজ্জ্বল নক্ষত্র, কেউ ইমাম মালিকের স্মৃতিশক্তি, দৃঢ়তা, সংরক্ষণশীলতা ও জ্ঞানের গভীরতার সম্পর্যায় নয়। আর যে ব্যক্তি সহীহ হাদীস চায় সে যেন ইমাম মালিকের কাছে যায়।”^{৯৮}

২. ইমাম আহমাদ বিন হামল (রহ.) বলেন : “বিদ্যানদের অন্যতম একজন ইমাম মালিক, তিনি হাদীস ও ফিকাহ শাস্ত্রে একজন অন্যতম ইমাম, জ্ঞান-বুদ্ধি ও আদাব আখলাকসহ হাদীসের প্রকৃত অনুসারী ইমাম মালিকের মত আর কে আছে?”^{৯৯}

৩. ইমাম নাসাঈ (রহ.) বলেন : “তাবেঙ্গদের পর আমার কাছে ইমাম মালিকের চেয়ে অধিক বিচক্ষণ আর কেউ নেই এবং হাদীসের ক্ষেত্রে তাঁর চেয়ে অধিক আমানতদার আমার কাছে আর কেউ নেই।”^{১০০}

ইমাম মালিকের (রহ.) গুরুত্ব : ইমাম মালিক (রহ.)-এর বেশ কিছু রচনাবলী রয়েছে। তন্মধ্যে উল্লেখযোগ্য গুরুত্ব হল :

১. আল মুয়াত্তা-الوطা।^{১০১} হাদীসের জগতে কিছু ছোট ছোট সংকলন শুরু হলেও ইমাম মালিকের ‘মুয়াত্তা’ সর্ব প্রথম হাদীসের উল্লেখযোগ্য ও নির্ভরযোগ্য সংকলন। এ গুরুত্বে ইমাম মালিক (রহ.) রাসূল ﷺ-এর হাদীস, সাহাবী ও তাবেঙ্গদের হাদীস এবং মদীনাবাসীর ইজমা সহ অনেক ফিকহী মাসআলা বিশুদ্ধ সনদের আলোকে সংকলন করেন।

^{৯৬} শারহুল আকৃতিদাহ আত তাহবীয়াহ, ১/১৮৮ পৃঃ।

^{৯৭} বিস্তারিত দ্রঃ মানহাজুল ইমাম ফি ইছবাতিল আকৃতিদাহ- ডঃ সউদ বিন আব্দুল আয়ীয় আদ দা'জান।

^{৯৮} আল ইনতিকা, ২৩, ২৪ পৃঃ।

^{৯৯} তারতাবুল মাদারিক, ১/১৩০ পৃঃ।

^{১০০} আল ইনতিকা, ৩১ পৃঃ।

^{১০১} তানায়িরকুল হাওয়ালিক, ১/৭ পৃঃ।

তিনি দীর্ঘদিন সাধনার পর, কেউ বলেন চল্লিশ বৎসর সাধনার পর এ মূল্যবান গ্রন্থ সংকলন করেন। সে সময় বিশুদ্ধতার দিক দিয়ে হাদীসের গ্রন্থ ‘মুয়াত্ত্বা’ খুবই জনপ্রিয়তা লাভ করে। ইমাম শাফেয়ী (রহ.) বলেন : “কিতাবুল্লাহ অর্থাৎ কুরআন এর পরই সর্ব বিশুদ্ধ গ্রন্থ হল ইমাম মালিকের ‘মুয়াত্ত্বা’।^{১০২} হ্যাঁ, সহীহ বুখারীর সংকলনের পূর্বে মুয়াত্ত্বাই সর্ব বিশুদ্ধ গ্রন্থ ছিল। অবশ্য এখন সহীহ বুখারী সর্ববিশুদ্ধ হাদীস গ্রন্থ।

২. “কিতাবুল মানাসিক”,^{১০৩}
৩. “রিসালাতুন ফিল কাদ্র ওয়ার্রাদ আলাল কাদারিয়া”^{১০৪}
৪. “কিতাব ফিলজুমি ওয়া হিসাবি মাদারিয়্যামানি ওয়া মানাযিলিল কামারি”^{১০৫}
৫. “কিতাবুস্সিরারি”^{১০৬}
৬. “কিতাবুল মাজালাসাত”^{১০৭} ইত্যাদি সহীহ সনদে প্রমাণিত যে, এ সব ইমাম মালিক (রহ.)-এর সংকলিত ও রচিত গ্রন্থ। ইহা ছাড়াও আরো অনেক গ্রন্থ রয়েছে।^{১০৮}

ইমাম মালিক (রহ.)-এর মৃত্যুবরণ : ইমাম মালিক (রহ.) ১৭৯ হিঁঁ রবিউল আউয়াল মাসে ৮৬ বছর বয়সে মদীনা মুনাওয়ারায় মৃত্যুবরণ করেন। এবং তাকে মদীনার কবরস্থান “বাকী”তে দাফন করা হয়।^{১০৯} আল্লাহ তাঁকে রহম করুন এবং জান্নাতুল ফিরদাউসে স্থান দান করুন। আমীন!

^{১০২} তারতীবুল মাদারিক, ১/১৯১-১৯৬ পৃঃ, আত্তামহীদ, ১/৭৬-৭৯ পৃঃ।

^{১০৩} তায়ইনুল মামালিক, ৪০ পৃঃ, মালিক লি আমীন আল খাওলী, ৭৪৫ পৃঃ।

^{১০৪} তারতীবুল মাদারিক, ১/২০৪ পৃঃ, সিয়ারু আলামুন্বালা, ৮/৮৮ পৃঃ।

^{১০৫} তারতীবুল মাদারিক, ১/২০৫ পৃঃ, সিয়ারু আলামুন্বালা, ৮/৮৮ পৃঃ।

^{১০৬} তারতীবুল মাদারিক, ১/২০৫ পৃঃ, সিয়ারু আলামুন্বালা, ৮/৮৯ পৃঃ।

^{১০৭} তায়ইনুল মামালিক, ৪০ পৃঃ, মালিক লি আমীন আল খাওলী, ৭৪৬ পৃঃ।

^{১০৮} মানহাজু ইমাম মালিক ফি ইছবাতিল আকীদাহ, ৫১-৫৫ পৃঃ।

^{১০৯} আত্তামহীদ, ১/৯২ পৃঃ, তারতীবুল মাদারিক, ২/২৩৭-২৪১ পৃঃ, সিয়ারু আলামুন্বালা, ৮/১৩০-

১৩৫ পৃঃ।

সুন্নাহ অনুসরণে ইমাম মালিক (রহ.) এর অবস্থান :

ইমামু দারিল হিজরাহ- মদীনার ইমাম মালিক বিল আনাস (৯৩-১৮৭ হঃ) (রহ.)। হাদীসের জগতে প্রথমের দিকে উল্লেখযোগ্য সংকলণ “মুয়াত্তা” গ্রন্থের সংকলক ইমাম মালিক (রহ.)। সুন্নাহ অনুসরণে ইমাম মালিক (রহ.) এর অবস্থান এত দৃঢ় যে তিনি সুন্নাহর সংকলক, শিক্ষক এবং সুন্নাহর আহবায়ক। তিনিও অঙ্ক অনুসরণের কোঠৰ প্রতিবাদ করেছেন এবং কুরআন ও সহীহ হাদীস অনুসরণ অপরিহার্য করে দিয়েছেন। এ প্রসঙ্গে ইমামের কিছু মূল্যবান বক্তব্য নিম্নে প্রদত্ত হল।

১। ইমাম মালিক (রহ.) বলেন :

"إِنَّمَا أَنَا بَشَرٌ أُخْطَىٰ وَأُصِيبُ، فَانظُرُوا فِي رَأْيِي، فَكُلُّ مَا وَافَقَ
الْكِتَابَ وَالسُّنْنَةَ فَحَذِّرُوهُ، وَكُلُّ مَا لَمْ يُوَافِقِ الْكِتَابَ وَالسُّنْنَةَ فَاثْرُكُوهُ"

“আমি একজন মানুষ মাত্র। চিন্তা গবেষণায় ভুলও হয় আবার সঠিকও হয়। সুতরাং তোমরা আমার অভিমত পরীক্ষা করে দেখ, আমার যে অভিমত কুরআন ও সুন্নাহর অনুকূলে পাও তা গ্রহণ কর। আর যে অভিমত কুরআন ও সুন্নাহর অনুকূলে নেই তা প্রত্যাখ্যান কর।”^{১৬৩}

ইমাম সাহেবের এ বক্তব্যে প্রমাণিত হয় যে, পালনীয় বিষয় হলো একমাত্র কুরআন ও সহীহ হাদীস, কোন ব্যক্তির মত, পথ, মায়হাব ও তরীকাহ নয়। কারো ফাত্ওয়া যদি কুরআন ও সহীহ হাদীস অনুযায়ী হয় তাহলে গ্রহণ যোগ্য হবে, তিনি যেই হন এবং যে মায়হাবেরই হন না কেন। আর যদি কুরআন ও সহীহ হাদীস অনুযায়ী না হয় তাহলে তিনি

^{১৬৩} ইবনু আব্দিল বার- আল জামি'- ২/৩২ পঃ, ইমাম ইবনু হাযাম- উসুলুল আহকাম- ৬/১৪৯ পঃ,
ফুলানী ইকায়ুল ইমাম- ৭২ পঃ।

যত বড়ই ইমাম ও মুজতাহিদ হন না কেন তার ফাত্তওয়া প্রত্যাখ্যান যোগ্য। ইহা শুধু ইমাম মালিক (রহ.) এর কথা নয় বরং ইমামে আয়ম, সাইয়েদুল মুরসালীন রাসূল মুহাম্মদ ﷺ এর অমীয় বাণী, তিনি বলেন :

مَنْ أَحَدَثَ فِي أُمْرِنَا هَذَا مَا لَيْسَ فِيهِ فَهُوَ رَدٌّ

“যে ব্যক্তি ইসলামে এমন নতুন কিছুর আগমন ঘাটাবে যা ইসলামে (কুরআন ও সহীহ হাদীসে) ছিল না তা প্রত্যাখ্যান যোগ্য।”^{১৬৪}

২। ইমাম মালিক (রহ.) বলেন :

لَيْسَ أَحَدٌ بَعْدَ النَّبِيِّ ﷺ إِلَّا وَيُؤْخَذُ مِنْ قَوْلٍ وَيُتَرَكُ إِلَّا النَّبِيُّ ﷺ

“সকল ব্যক্তির কথা হয় গ্রহণযোগ্য অথবা বর্জনীয়, শুধু নাবী ﷺ এর সকল কথাই গ্রহণযোগ্য, কোন বর্জনীয় নয়।”^{১৬৫}

অর্থাৎ শুধুমাত্র নাবী ﷺ এর সকল দানী কথা ওয়াহী ভিত্তিক হওয়ায় গ্রহণযোগ্য, আর সাহাবী, তাবেঙ্গ, ও কোন ইমাম বা আলিম সমাজের কথা যদি কুরআন ও সহীহ হাদীস অনুযায়ী হয় তাহলে গ্রহণযোগ্য, আর যদি কুরআন ও সহীহ হাদীস বিরোধী হয় তাহলে অবশ্যই গ্রহণযোগ্য। সুতরাং কোন ইমাম বা আলিমের কথা কুরআন ও সহীহ হাদীসের আলোকে যাচাই ছাড়াই অঙ্ক অনুকরণ করা সংগত কাজ নয়।

৩। ইমাম মালিক (রহ.) বলেন :

قال ابن وهب : سمعت مالكا سئل عن تخليل أصابع الرجالين في الموضوع؟ فقال : ليس ذلك على الناس. قال : فتركته حتى خف الناس، فقلت له : عندنا في ذلك سنة، فقال : وما هي؟ قلت : حدثنا الليث بن سعد وابن هبعة وعمرو بن الحارث عن يزيد بن عمرو المعافري عن أبي عبد الرحمن الحبلي عن المستورد بن شداد القرشي قال : رأيت رسول الله صلى الله عليه وسلم يدللك بخنصره ما بين أصابع رجليه، فقال : إن هذا الحديث حسن، وما سمعته قط إلا الساعة ثم سمعته بعد ذلك يسأل، فيأمر بتخليل الأصابع.

^{১৬৪} সহীহুল বুখারী হা: নং ২৬৯৭, সহীহ মুসলিম হা: নং-৪৪৬৭।

^{১৬৫} ইবনু আবিল বার- আল জামি'- ২/৯১পঃ, ইবনু হাযাম- উসুলুল আহকাম- ৬/১৪৫, ১৭৯ পঃ।

“ইবনু ওয়াহাব হতে বর্ণিত তিনি বলেন : আমি শুনেছি ইমাম মালিক (রহ.) কে জিজাসা করা হল ওয়ুর সময় পায়ের আঙুল খিলাল করা সম্পর্কে? তিনি উত্তরে বললেন : ওয়ুর মধ্যে এমন কোন নিয়ম নেই। ইবনু ওয়াহাব বলেন : আমি একটু অপেক্ষা করলাম মানুষ চলেগেলে ইমাম সাহেবকে বললাম : পায়ের আঙুল খেলাল করার ব্যাপারে আমাদের কাছে হাদীস রয়েছে। ইমাম বললেন : তা কি? আমি বললাম : লাইছ বিন সাদ..... মুসত্তাওরিদ বিন শাদাদ আল কুরাশী বলেন : “আমি রাসূল ﷺ কে হাতের কনিষ্ঠ আঙুল দিয়ে পায়ের আঙুলের মাঝে খেলাল করতে বা ভাল ভাবে ডলতে দেখেছি।”^{১৬৫}

ইমাম (রহ.) বলেন : এ হাদীসটি হাসান, তবে আমি এখন ছাড়া এর পূর্বে কখনও এ হাদীস শুনিনি। ইবনু ওয়াহাব বলেন : এর পরবর্তীকালে ইমাম সাহেবকে ঐপ্রশ্ন করা হলে তিনি উক্ত হাদীসের আলোকে আঙুল খেলাল করার নির্দেশ দিতেন।”^{১৬৬}

উল্লেখ্য যে, ইমাম মালিক (রহ.) এর ফাত্ওয়া হাদীস বিরোধী ছিল, কিন্তু তখন তিনি ঐ হাদীসটি জানতেন না। যখনই হাদীস জানলেন এবং তা হাসান বা সহীহ নিশ্চিত হলেন সাথে সাথে নিজের পূর্ব অভিমত বর্জন করে হাদীস অনুযায়ী ফাত্ওয়া প্রদান শুরু করলেন। সহীহ হাদীস পাওয়ার পর নিজের মতের উপর কোন গোঁড়ামি প্রকাশ করলেন না। এরপরই হবে আল্লাহভীর ও তাঁর রাসূলের ﷺ অনুসারীর অবস্থান, তারা কখনও আল্লাহ ও তাঁর রাসূলের ﷺ মতের উপর কোন ব্যক্তি এমনকি নিজের মতকেও প্রাধান্য দিতে পারে না। পক্ষান্তরে যারা আল্লাহ ও তাঁর রাসূলের ﷺ মতের উপর নিজের বা কোন ব্যক্তি ও দলের মতকে প্রধান্য দিবে তারা আসলে আল্লাহ ও তাঁর রাসূলের ﷺ প্রতি পূর্ণ সৈমান্দার ও আনুগত্যশীল হতে পারে না।

৪। ইমাম মালিক (রহ.) বলেন :

مَنْ ابْتَدَعَ بِدُعَةً يَرَاهَا حَسَنَةً، فَقَدْ رَزِّعَمْ أَنْ مُحَمَّدًا ﷺ خَانَ الرِّسَالَةَ،
لَا إِلَهَ إِلَّا اللَّهُ تَعَالَى يَقُولُ :

^{১৬৫} ইবনু আবি হাতিম- মুকদ্দামাতুল জারহ ওয়াত তাদীল- ৩১,৩২ পৃঃ; ইমাম বাইহাকী- সুনান- ১/৮১
পৃঃ।

﴿الْيَوْمَ أَكْمَلْتُ لَكُمْ دِينَكُمْ وَأَتَمَّتُ عَلَيْكُمْ نِعْمَتِي وَرَضِيتُ
لَكُمُ الْإِسْلَامَ دِينًا﴾.....

“যে ব্যক্তি কোন বিদআত চালু করে এবং মনে করে ইহা ভাল কাজ, সে যেন দাবী করে যে, মুহাম্মদ ﷺ রিসালাতের খিয়ানাত করেছে (নাউয়ুবিল্লাহ)। কেননা আল্লাহ তা‘আলা রাসূলের জীবদ্ধশায় বলেন : “আজ আমি তোমাদের দ্বীনকে পরিপূর্ণ করে দিলাম এবং তোমাদের প্রতি আমার নিয়ামতকে সম্পূর্ণ করে দিলাম এবং ইসলামকে তোমাদের জন্য দ্বীন হিসেবে পছন্দ করে নিলাম।” [মায়িদা-৩]

রাসূলের জীবদ্ধশায় যা দ্বীন বলে গন্য হয়নি আজও তা দ্বীন বলে গণ্য হবে না।”^{১৬৭}

অর্থাৎ রাসূল ﷺ এর জীবদ্ধশায় আল্লাহ তা‘আলা ইসলামকে পূর্ণতা রূপদান করেছেন এবং তিনি ﷺ তাঁর পূর্ণ ইসলামের রিসালাত সঠিক ভাবে প্রচার করেছেন এর পরও যদি কেউ নতুন ইবাদাত আবিষ্কার করে যা রাসূল ﷺ এর যুগে ছিলনা এতে প্রমাণিত হয় যে, ইসলামের এ ইবাদাত রাসূল ﷺ প্রচার করেন নি। তাই তিনি রিসালাতের খিয়ানত করেছেন, (নাউয়ুবিল্লাহ)। ইমাম সাহেব এ বক্তব্যের মাধ্যমে প্রমাণ করতে চান যে, ইসলামের সব কিছু রাসূল ﷺ এর মধ্যেই সীমাবদ্ধ। অতএব একমাত্র তাঁর অনুসরণ করেই ইসলাম পালন করতে হবে। অন্য কোন ইমাম, দরবেশ, পীর বা মাযহাব ও তরীকা নয়। আল্লাহ আমাদের এ তাওফীক দান করুন, আমীন!

^{১৬৭} ইমাম শাতবী- ইতিসাম- ১/৩৩ পৃঃ, “মানহাজ ইমাম মালিক ফি ইছবাতিল আকাদাহ”- ৯৯ পৃঃ।

ইমাম শাফেয়ী (রহ:)-এর সংক্ষিপ্ত জীবনী সূচিপত্র

নাম, উপনাম ও বংশ পরিচয়

জন্ম, প্রতিপালন ও শিক্ষাজীবন

শিক্ষাসফর

মদীনা সফর

ইরাক সফর

মিসর দেশে সফর

ইমাম শাফেয়ী (রহ:)-এর শিক্ষকবৃন্দ

ইমাম শাফেয়ী (রহ:)-এর ছাত্রবৃন্দ

ইমাম শাফেয়ী সম্পর্কে আলিম সমাজের প্রসংশা

ইমাম শাফেয়ী (রহ:)-এর রচিত গ্রন্থাবলী

ইমাম শাফেয়ী (রহ:)-এর আত্মীদাহ-বিশ্বাস

ইমাম শাফেয়ী (রহ:)-এর ইতেকাল

সুন্নাহ অনুসরণে ইমাম শাফেয়ীর অবস্থান

ইমাম শাফেয়ী (রহ.)-এর সংক্ষিপ্ত জীবনী

নাম, উপনাম ও বৎশ পরিচয় : নাম : মুহাম্মদ, পিতা ইদ্রিস, দাদা আবুস, উপনাম আবু আব্দুল্লাহ, বৎশ নামা : মুহাম্মদ বিন ইদ্রিস বিন আবুস বিন উসমান বিন শাফি'----- আল কুরাশী আল শাফেয়ী আল মাক্কী।^{১১০} ইমাম শাফেয়ী (রহ.)-এর বৎশ- কুরাইশ বংশের অন্যতম “আদে মানাফ বিন কুসাই” এর কাছে মিলিত হয়েছে, তাই ইমাম শাফেয়ীর বংশের মূল এবং রাসূল ﷺ-এর বৎশ একই। এ জন্য তিনি আল-মুত্তালাবী বলে পরিচিত, তিনি কুরাইশ বংশের তাই কুরাশী এবং তাঁর দাদা “শাফে” খ্রিস্টান সাহাবী এর দিকে সম্পৃক্ত করায় শাফেয়ী, মকায় প্রতিপালিত হওয়ায় মাক্কী বলে পরিচিতি লাভ করেন।^{১১১}

ইমাম শাফেয়ী (রহ.)-এর উপাধি হল, “নাসিরুল হাদীস” হাদীসের সাহায্যকারী বা সহায়ক, কারণ হাদীস সংগ্রহ, সংকলন, বিশেষ করে হাদীসের যাচাই-বাচাইয়ে তিনি সর্ব প্রথম অবদান রাখেন, তিনিই সর্ব প্রথম হাদীস শাস্ত্রের নীতিমালা প্রণয়নে কলম ধরেন “আররিসালাহ ও আল উম্ম” প্রস্তুত্বে। অতঃপর সে পথ ধরেই পরবর্তী ইমামগণ অগ্রসর হন।^{১১২}

জন্ম, প্রতিপালন ও শিক্ষা জীবন : সকল ঐতিহাসিকের মতে ইমাম শাফেয়ী (রহ.) ১৫০ হিঁ সনে জন্ম গ্রহণ করেন, যে সনে ইমাম আবু হানীফাহ (রহ.) ইন্তেকাল করেন।^{১১৩}

ইমামের জন্মস্থান সম্পর্কে কিছু মতামত পরিলক্ষিত হয় কেউ বলেন গায়া নামক স্থানে,^{১১৪} কেউ বলেন আসকালান শহরে^{১১৫} আবার কেউ ইত্যাদি।

^{১১০} তাওয়ালী তাসীস, ৩৪ পৃঃ, তায়কিরাতুল হফ্ফায়, যাহাবী, ১/৩২৯ পৃঃ, সিয়ার আলামুবালা, ১০/৫ পৃঃ, তাহফীবুত্তাহায়ীব, ৯/২৫ পৃঃ, ম'জামুল উদাবা, ৬/৩৬৭ পৃঃ, হলিয়াতুল আউলিয়া, ৬/৩০ পৃঃ।

^{১১১} আল ইসাবাহ, ২/১১ পৃঃ, তাওয়ালী তাসীস, ৩৭ পৃঃ, তারীখে বাগদাদ, ২/৫৮ পৃঃ।

^{১১২} মানকির বাইহাকী, ১/৪৭২ পৃঃ, তাওয়ালী তাসীস, ৪০ পৃঃ, তাইসীর মুসতালাহিল হাদীস, ১০ পৃঃ।

^{১১৩} তাওয়ালী তাসীস, ৫২ পৃঃ।

^{১১৪} মানকির বাযহাকী, ২/৭১ পৃঃ।

^{১১৫} আদাৰুশ্শাফেয়ী, ২১, ২২, ২৩ পৃঃ।

বলেন ইয়ামান দেশে।^{১১৬} এ ঘতবিরোধের সমাধানে ইমাম ইবনু হাজার আসকালানী (রহ.) বলেন : গায়া ও আসকালান এ দু'টি পাশাপাশি এলাকা, মূলতঃ আসকালান প্রসিদ্ধ নগরী এরই অন্তর্গত (তৎকালীন) একটি এলাকা/গ্রাম গায়া সেখানেই ইমাম শাফেয়ী জন্মান্ত করেন, তাঁর মা ছিলেন ইয়ামানের প্রসিদ্ধ “আফ্দিয়্যাহ” গোত্রে, তাই জন্মের দু'বছর পর ছেলে ইয়াতীম হয়ে যাওয়ায় মা ছেলেকে নিয়ে প্রতিকূল ইয়ামানে চলে যান। কয়েক বছর পরেই ইমামের বাবার বংশ কুরাইশ বংশের সম্পর্ক দৃঢ় করার লক্ষ্যে আবার মক্কায় পার্ডিজমান। অতএব ইমাম শাফেয়ীর জন্মস্থান সম্পর্কে আর কোন মতভেদ থাকেন।^{১১৭}

ইমাম শাফেয়ী (রহ.) ছোট কালেই পিতাকে হারিয়ে ইয়াতীম হয়ে যান, পিতার মৃত্যুর পর অভিভাবকহীনতা ও দারিদ্র্য ইত্যাদি নানা সমস্যার সম্মুখীন হন, পিতা মারা গেলে বিচক্ষণ মা তাকে দু'বছর বয়সে মক্কার পার্শ্ববর্তী নিয়ে আসলে তিনি কুরআন মুখ্যস্ত করায় মনোনিবেশ হন এবং সাত বছর বয়সেই সম্পূর্ণ কুরআন মুখ্যস্ত করেন।^{১১৮} তিনি নিজেই বলেন : আমি যখন মায়ের কাছে ইয়াতীম অসহায়, শিক্ষক দেয়ার মত মায়ের কাছে কিছু নেই এমতাবস্থায় শিক্ষক এর স্থলাভিয়ঙ্গে দায়িত্ব পালনশর্তে পড়াতে রায়ি হলে আমি তার কাছে কুরআন মুখ্যস্ত খতম করলাম। অতঃপর মাসজিদে বিভিন্ন আলিমদের কাছে বসে হাদীস ও মাসআলা মুখ্যস্ত করতে লাগলাম এবং কিছু বিষয় হাড়ের টুকরায় লিখে রাখতাম।^{১১৯}

তিনি আরো বলেন : আমার বয়স যখন প্রায় দশ বছর তখন মক্কায় জ্ঞান চর্চায় ব্যস্ত থাকা দেখে আমার এক আত্মীয় আমাকে বললেন : তুমি একাজ কর না বরং অর্থ উপার্জনের পথধর। তিনি বলেন আমি তার কথায় কান দিলাম না বরং শিক্ষা ও জ্ঞান চর্চায় আমি আরো মগ্ন হলাম ফলে আল্লাহ আমাকে এসব জ্ঞান দান করেছেন।^{১২০}

^{১১৬} আদাৰুশ্শাফেয়ী, ২১, ২২, ২৩ পৃঃ।

^{১১৭} তাওয়াফ্তী তাসীস, ৫১, ৫২ পৃঃ।

^{১১৮} মানহাজ ইয়াম শাফেয়ী ফি ইচ্বাতিল আকীদাহ, ১/২৩ পৃঃ।

^{১১৯} তাওয়াফ্তী তাসীস, ৫৪ পৃঃ।

^{১২০} তাওয়াফ্তী তাসীস, ৫৩ পৃঃ।

তিনি ছোট কাল হতে শিক্ষানুরাগী এবং কঠোর জ্ঞান সাধনার ফলে সাত বছরে কুরআনের হাফেয় এবং দশ বছরে মুয়াত্তা হাদীস গ্রন্থ হিফয় করে পনের বা আটার বছর বয়সে ফাতাওয়া প্রদান শুরু করেন। সাথে সাথে মকায় আরবী পাণ্ডিতদের কাছে আরবী কবিতা ও ভাষা জ্ঞানে পূর্ণ পাণ্ডিত্ব লাভ করেন।^{১২১}

শিক্ষা সফর : মহা মনীষী জ্ঞানপিপাসু ইমাম শাফেয়ী (রহ.)-এর এক ব্যক্তি বা অঞ্চল হতে জ্ঞান শিক্ষা করে পিপাসা নিবারণ হয়নি, তাই তিনি এক ব্যক্তি হতে আরেক ব্যক্তি এবং এক অঞ্চল হতে আরেক অঞ্চলে জ্ঞানারহনে ভ্রমণ করেছেন, সাথে সাথে দ্বিন ও জ্ঞান প্রচার ও প্রসারেরও কোন কমতি হয়নি।

মদীনা সফর : সর্ব প্রথম তিনি মদীনা সফর করেন এবং মদীনার ইমাম, ইমাম মালিকের সংকলিত গ্রন্থ মুয়াত্তা মুখ্যস্ত করে তাঁকে শুনান, ইমাম শাফেয়ীর ছোট বয়সে এই প্রজ্ঞা ও প্রতিভা দেখে তিনি অভিভূত হন। ইমাম মালিক (রহ.) যত দিন বেঁচে ছিলেন ইমাম শাফেয়ী (রহ.) ততদিন তাঁর সঙ্গ ছেড়েন নি, তাই মুয়াত্তা ছাড়াও আরো অনেক কিছু তাঁর কাছে শিক্ষা লাভ করেন।^{১২২}

মদীনার পর তিনি ইয়ামানে শিক্ষার উদ্দেশ্যে বের হন। সেখানে শিক্ষা ও জ্ঞান বিস্তারে আত্মনিয়োগ করেন। জনসমাজে তাঁর খ্যাতি ছড়িয়ে পড়লে তিনি বিদ্঵েষিদের চক্রান্তে পড়েন, ফলে তিনি ইয়ামান ত্যাগ করে আবার মকায় ফিরে আসেন।^{১২৩}

ইরাক সফর : ইমাম শাফেয়ী ইরাকে দু'বার সফর করেন, প্রথমবার রাজনৈতিক কারণে খলীফা হারুনুর রশীদ তাঁকে ইরাকে জোরপূর্বক পাঠান, যেভাবেই হোক, সেখানে গিয়ে তিনি ইরাকের প্রসিদ্ধ জ্ঞানীদের নিকট শিক্ষা সমাপন করে আবার মকায় ফিরে আসেন এবং পূর্ণদর্শে দরস-তাদরীস ও ইসলাম প্রচার-প্রসারের কাজে একটানা নয় বছর আত্মনিয়োগ করেন।^{১২৪}

^{১২১} আল বিদায়াহ ওয়ান নিহায়াহ, ১০/২৬৩ পঃ।

^{১২২} তাওয়ালী তাসীস, ৫৪ পঃ।

^{১২৩} মানহাজ ইমাম শাফেয়ী ফিল আকীদা, ১/২৯ পঃ।

^{১২৪} মানহাজুল ইমাম শাফেয়ী ফি ইচ্বাতিল আকীদা- ১/৪৩ পঃ।

অতঃপর ১৯৫ হিঁ ইমাম শাফেয়ী আবারো ইরাক সফর করেন, তবে এ সফর পূর্বের ইরাক সফর হতে অনেক ভিন্ন ছিল, প্রথম সফর ছিল জ্ঞান শিক্ষা গ্রহণের আর এ সফর হলো শিক্ষা গ্রহণ পাশাপাশি শিক্ষাদানের জন্য। ইমাম বায়হাকী (রহ.) স্বীয় সনদে আবৃ ছাওর হতে বর্ণনা কারেন, তিনি বলেন, যখন ইমাম শাফেয়ী ইরাকে আসলেন তখন রায়পট্টী (আহলুর রায়) হৃসাইন কারাবিসী আমার কাছে আসলেন এবং বললেন যে, আমাদের মাঝে একজন হাদীস পঞ্চী (আহলে হাদীস) এসেছেন চল আমরা তার কাছে গিয়ে একটু হাসি-ঠাট্টা করি।

আবৃ ছাওর বলেন : আমরা তাঁর কাছে গেলাম, হৃসাইন ইমামকে এক মাসআল জিজ্ঞাসা করলেন, জবাবে ইমাম সাহেব “আল্লাহ তা’আলা বলেন এবং রাসূল ﷺ বলেন” এভাবে প্রচুর কুরআন ও হাদীসের উদ্ধৃতি উপস্থাপনের মাধ্যমে জবাব দিতে থাকলেন এভাবে রাত হয়ে গেল, তখন আমরা তাঁর কুরআন ও হাদীসের অগাধ পাণ্ডিত দেখে আশ্চর্য হলাম, শেষটায় আমাদের রায় ও কিয়াসের বিদ’আত বর্জন করে তাঁর কাছে আত্মসমর্পণ করে তাঁর আনুগত্য স্বীকার করলাম।^{১২৫} এ সফরেই ইমাম আহমাদ বিন হামল (রহ.) ইমাম শাফেয়ীর সাক্ষাৎ করেন।

মিসর দেশে সফর : ইমাম শাফেয়ী (রহ.)-এর ইরাকে অবস্থান যেমনি প্রশংসনিয়, তেমনি আবার অপরদিক হতে কালো মেঘ নেমে আসতে লাগল। মুতাফিলা আলিমরা রাজনৈতিক প্রাঙ্গণ দখল করায় খলীফা হারুণসহ সে সময়ের আবাসীয় খলীফাগণ ফালসাফা ও তর্কবিদ্যা-মানতিকে প্রভাবিত হয়ে কুরআন মাখ্লুক (সৃষ্ট) ভাত্ত বিশ্বাস পোষণ করে আহলুস সুন্নাহ ওয়াল জামাআতের ইমাম- ইমাম আহমাদ, ইমাম শাফেয়ী এবং যারা বিদ’আত মুক্ত সঠিক আকীদাহ বিশ্বাসের ধারক-বাহক তাদের উপর নির্যাতন শুরু করে, যার ফলে বাধ্য হয়ে ইমাম শাফেয়ী ইরাক ত্যাগ করে মিসরে পারি জমান।^{১২৬}

মিসরে আগমন করলেই মিসরবাসী সানন্দে সাগতম জানান, মিসরের বড় মসজিদ - আমর বিন আল আস মসজিদে কিছু আলোচনা পেশ করলে

^{১২৫} মানাকিব বাইহাকী- ১/২২০ পৃঃ।

^{১২৬} মানাকিব বাইহাকী, ১/৪৬৩-৪৬৫ পৃঃ।

সকলেই তাঁর আলোচনায় মুঝ হয়ে যান, এবং তারা এক বাক্যে স্বীকার করেন যে, মিসরের বুকে এমন প্রতিভাবান ব্যক্তির কথনও আগমন ঘটেনি, যিনি কুরাইশ বংশোদ্ধৃত, যার সালাতের ন্যায় উন্নত সালাত আদায় করতে কাউকে দেখিনি, যার চেহারার ন্যায় সুন্দর চেহারা খুব কমই আছে, যার বক্তব্য ও বাচন ভঙ্গির মত আকর্ষণীয় ও শ্রতিমধুর কাউকে দেখিনি।^{১২৭}

তাঁর হাদীস গবেষণা ও চর্চায় যারা হানাফী বা মালিকী মাযহাবের অনুসারী ছিলেন, তার অনেকেই হাদীসের আলোকে ইসলাম চর্চার সুযোগ লাভে ধন্য হন। ইমাম শাফেয়ী জীবনের শেষ পর্যন্ত মিসরেই অবস্থান করেন এবং তাঁর মূল্যবান গ্রন্থসমূহ সেখানেই সংকলন করেন।^{১২৮}

ইমাম শাফেয়ী (রহ.)-এর শিক্ষকবৃন্দ : ইমাম শাফেয়ী (রহ.) স্বীয় যুগে বিভিন্ন দেশে অগণিত আলিয় হতে শিক্ষালাভ করেন, ইমাম বাযহাকী, ইবনু কাছীর, মিয়্যী, মুয়ানী ও ইবনু হাজার আসকালীন স্বীয় গ্রন্থসমূহে ইমামের শিক্ষক বৃন্দের বিস্তারিত আলোচনা করেছেন তন্মধ্যে কয়েকজনের নাম নিম্নে উল্লেখ করা হল :^{১২৯}

- (১) ইমাম সুফইয়ান বিন উয়ায়নাহ (রহ.) (মৃত: ১৯৮ হিঃ) (মাক্কী)।
 - (২) ইমাম ইসমাইল বিন আব্দুল্লাহ (রহ.) (মৃত: ১৭০ হিঃ) (মাক্কী)।
 - (৩) ইমাম মুসলিম বিন খালিদ (রহ.) (মৃত: ১৭৯ হিঃ) (মাক্কী)।
 - (৪) ইমাম মালিক বিন আনাস (রহ.) (মৃত: ১৭৯ হিঃ) (মাদানী)।
 - (৫) ইমাম মুহাম্মদ বিন ইসমাইল (রহ.) (মৃত: ২০০ হিঃ) (মাদানী)।
 - (৬) ইমাম হিশাম বিন ইউসুফ (রহ.) (মৃত: ১৯৭ হিঃ) (ইয়ামানী)।
 - (৭) ইমাম ওয়াকী বিন আল জাররাহ (রহ.) (মৃত: ১৯৭ হিঃ) (কুফী)।
- এ ছাড়াও আরো অসংখ্য বিদ্঵ান ইমাম শাফেয়ীর শিক্ষক।

ইমাম শাফেয়ী (রহ.)-এর ছাত্রবৃন্দ : ইমাম শাফেয়ী (রহ.)-এর ছাত্র হওয়ার যারা সৌভাগ্য লাভ করেছেন তাদের সংখ্যা ও বর্ণনা দেয়া

^{১২৭} মানাকিব বাইহাকী, ২/২৮৪ পঃ।

^{১২৮} মানাকিব বাইহাকী, ২/২৯১ পঃ।

^{১২৯} আল বিদায়াহ ওয়ান নিহায়াহ, ১০/২৬৩ পঃ।

অসম্ভব, কারণ তিনি যে দেশেই ভ্রমণ করেছেন এবং শিক্ষার আসরে বসেছেন সেখানেই অগণিত ছাত্র তৈরী হয়েছে, নিম্নে কয়েকজন প্রসিদ্ধ ছাত্রের নাম উল্লেখ করা হলঃ

- (১) ইমাম রাবী বিন সুলায়মান আল মাসরী।
- (২) ইমাম ইসমাইল বিন ইয়াহইয়া আল মুয়ানী আল মাসরী।
- (৩) ইমাম আবু আন্দুল্লাহ আলফাকীহ আল মাসরী।
- (৪) ইমাম আবু ইয়াকুব ইউসুফ বিন ইয়াহইয়া আল মাসরী।
- (৫) ইমাম আবুল হাসান বিন মুহাম্মদ আয্যাফরানী।

এ ছাড়া অগণিত, অসংখ্য ছাত্র রয়েছে যাদের সঠিক সংখ্যা একমাত্র আল্লাহ তা'আলাই ভাল জানেন।^{১৩০}

ইমাম শাফেয়ী সম্পর্কে আলিম সমাজের প্রশংসা : সত্যকে সত্য বলাই হলো ন্যায় বিচার, ইমাম শাফেয়ীর জ্ঞান, প্রজ্ঞা, আল্লাহ ভীরূতা ও সত্যের দাওয়াতের যথার্থতা বর্ণনায় কেউ কম করেন নি, যারা ন্যায়কে ন্যায় বলেছেন তন্মধ্যে :

- (১) ইমামুল মাদীনাহ- ইমাম মালিক (রহ.) বলেন : “আমি এ যুবক (ইমাম শাফেয়ী)-এর মত অধিক বিচক্ষণ ও বুদ্ধিমান আর কোন কোরাইশীকে পাইনি।”^{১৩১}
- (২) ইমাম আবুল হাসান আয্যাফরানী বলেন : “আমি ইমাম শাফেয়ীর ন্যায় অধিক সম্মানী, মর্যাদাশীল, দানশীল, আল্লাহ ভীরুৎ দ্বীনদার ও অধিক জ্ঞানী আর কাউকে দেখিনি।”^{১৩২}

- (৩) ইমাম ইসহাক বিন রাহউয়াহ (রহ.) বলেন : আমি ইমাম আহমাদ (রহ.) সহ মক্কায় ইমাম শাফেয়ী (রহ.)-এর কাছে গেলাম, তাঁকে বেশ কিছু জিজ্ঞাসা করলাম তিনি খুব ভদ্রতার সাথে সাবলীল ভাষায় প্রশ্নের জবাব দিলেন। অতঃপর আমাদের চলে আসার সময় একদল কুরআনের

^{১৩০} মানকির বাইহাকী, ২/৩২৪ পৃঃ। তাহবীবুল কামাল, ৩/১১৬১।

^{১৩১} তাওয়াল্লী তাসীস, ৭৪ পৃঃ।

^{১৩২} তাওয়াল্লী তাসীস, ৮০ পৃঃ।

আলিম বললেন : ইমাম শাফেয়ী হলেন স্বীয় যুগে কুরআনের ব্যাপারে সবচেয়ে বেশী জ্ঞানী মানুষ।” ইমাম ইসহাক বলেন : আমি যদি তাঁর কুরআনের পাণ্ডিত্ব সম্পর্কে আগে অবগত হতাম তাহলে তাঁর কাছে শিক্ষার জন্য থেকে যেতাম।”^{১৩০}

ইমাম শাফেয়ী (রহ.)-এর রচিত গ্রন্থাবলী : প্রসিদ্ধ চার ইমামের মধ্যে ইমাম আহমাদ বিন হাম্বল (রহ.)-এর গ্রন্থাবলী সর্বাধিক, অতঃপর ইমাম শাফেয়ী (রহ.)-এর। ইমাম শাফেয়ী অসংখ্য গ্রন্থ রেখে গেছেন, তন্মধ্যে উল্লেখযোগ্য যেমন-

(১) “কিতাবুল উম্ম” মূলতঃ এটি একটি হাদীসের গ্রন্থ, যা ফিকই পদ্ধতিতে স্বীয় সনদসহ সংকলন করেছেন, এটি একটি বিশাল গ্রন্থ। যাহা ৯টি বড় ভোলিয়মে প্রকাশিত।

(২) “আর রিসালাহ” এটা সেই গ্রন্থ যাতে ইমাম শাফেয়ী উসূলে হাদীস ও উসূলে ফিকহে সর্বপ্রথম কলম ধরেছেন।

(৩) “আহকামুল কুরআন”।

(৪) “ইখতিলাফুল হাদীস”।

(৫) “সিফাতুল আমরি ওয়ান্নাহী”।

(৬) “জিমাউল ইলম”।

(৭) “বায়ানুল ফারয”।

(৮) “ফায়াইলু কুরাইশ”।

(৯) “ইখতিলাফুল ইরাকিস্টন”।

(১০) ইখতিলাফু মালিক ওয়া শাফিয়ী। ইত্যাদি আরো বহু গ্রন্থ রয়েছে।^{১৩৪}

ইমাম শাফেয়ী (রহ.)-এর আকীদাহ-বিশ্বাস : ইমাম শাফেয়ী (রহ.) আহলিস সুন্নাহ ওয়াল জামাআতের ইমাম, যিনি ছিলেন কুরআন ও সুন্নাহর একনিষ্ঠ অনুসারী, আকীদাহ-বিশ্বাস, আমল-আখ্লাক, ইবাদাত-বন্দেগী সকল ক্ষেত্রে তিনি সব কিছুর উর্দ্দেশ কুরআন ও সুন্নাহকে প্রাধান্য দিতেন

^{১৩০} তাওয়াল্লী তাসীস, ৯০ পৃঃ।

^{১৩৪} তাওয়াল্লী তাসীস, ১৫৪ পৃঃ।

এবং আঁকড়েয় ধরতেন, তিনি কালাম পছী যুক্তিবাদী বিদ'আতীদের ঘোর বিরোধী ছিলেন, অনুরূপ রায় ও কিয়াস পছীদেরও বিরোধী ছিলেন। সুতরাং কুরআন ও সুন্নাহর আলোকে আহলুস সুন্নাহ্ ওয়াল জামাআতের আকীদাহ্-বিশ্বাসই ইমাম শাফেয়ীর আকীদাহ্-বিশ্বাস। এতে কোনই বৈপরিত্য নেই।^{১০৫}

ইমাম শাফেয়ী (রহ.)-এর ইন্তেকাল : ইমাম শাফেয়ীও (রহ.) আল্লাহর নিয়মের বাইরে নন, একই নিয়মে তিনিও এসেছেন আবার সব কিছু রেখে আল্লাহর আহবানে সারা দিয়ে ২০৪ হিজরীর রজব মাসের শেষ দিন জুমআর রাত্রিতে পৃথিবী হতে বিদায় গ্রহণ করেন।^{১০৬} আল্লাহ্ তাকে জান্নাতুল ফিরদাউস দান করুন। আমীন!

^{১০৫} ইমাম শাফেয়ীর আকীদাহ-বিশ্বাস বিস্তারিত দ্রঃ “মানহাজ আল ইমাম আশ শাফেয়ী ফি ইচ্বাতিল আকীদাহ” - ডঃ মুহাম্মদ বিন আব্দুল ওয়াহহাব আল আকীল।

^{১০৬} তাওয়াফী তাসীস, ১৭৯ পৃঃ।

সুন্নাহ অনুসরণে ইমাম শাফেয়ী (রহ.) এর অবস্থান

উসূল শাস্ত্রের প্রবর্তক ইমাম মুহাম্মাদ বিন ইদ্রিস আশ্শাফেয়ী (১৫০-২০৪ ইঃ) রহ। সুন্নাহকে সচ্ছ ও নিষ্কলুষ রাখার নীতিমালা মুস্ত লাহুল হাদীস এর আবিষ্কারক এবং অসূলুত তাফসীর ও উসূলুল ফিকহ এর রূপকার, ভাষাবীদ ইমাম শাফেয়ী (রহ.) একই ভাবে অন্ধ অনুস্বরণের দাফন করে ইসলামী জীবনে পবিত্র কুরআন ও সহীহ হাদীসের উপর নির্ভরশীল আদর্শ গড়ার লক্ষ্য যে সব মূল্যবান উপদেশ প্রদান করেছেন নমুনা স্বরূপ নিম্নে কিছু প্রদত্ত হল:

১। ইমাম শাফেয়ী (রহ.) বলেন :

إِذَا صَحَّ الْحَدِيثُ فَهُوَ مَذْهِبِي

“কোন বিষয়ে যখন সহীহ হাদীস পাওয়া যাবে জেনে রেখ স্টাই (সহীহ হাদীসই) আমার মাযহাব বা মত ও পথ।”^{১৬৮}

২। ইমাম শাফেয়ী (রহ.) বলেন :

إِذَا وَجَدْتُمْ فِي كِتَابِي خِلَافَ سَنَةِ رَسُولِ اللَّهِ صَلَّى اللَّهُ عَلَيْهِ وَدَعْوَاهُ مَا قُلْتُ، فَقُولُوا بِسَنَةِ رَسُولِ اللَّهِ صَلَّى اللَّهُ عَلَيْهِ وَسَلَّمَ وَدَعْوَاهُ مَا قُلْتُ، وَفِي رِوَايَةِ فَاتِّبِعُوهَا، وَلَا تَتَفَرَّغُوا إِلَى قَوْلِ أَحَدٍ.

“যখন তোমরা আমার কোন কিতাবে রাসূলুল্লাহ ﷺ এর সুন্নাহর বিপরীত কিছু পাবে তখন এবং রাসূলুল্লাহর ﷺ সুন্নাহ অনুযায়ী ফাতওয়া দাও। অন্য বর্ণনায় রয়েছে : তোমরা রাসূলের ﷺ সুন্নাহ অনুসরণ কর, অন্য কারো কথার প্রতি ভ্রক্ষেপ কর না।”^{১৬৯}

যার আল্লাহ তা'আলা ও আখিরাতের প্রতি পূর্ণ ঈমান রয়েছে এবং রাসূলের ﷺ প্রতি রয়েছে পূর্ণ শ্রদ্ধা ও অনুসরণ। তিনিই কেবল

^{১৬৮} ইমাম আননাওয়াবী- আল মাজয়ু'-১/৬৩ পৃঃ, আশশা'রানী- আলমীয়ান ১/৫৭ পৃঃ, শায়খ আল ফুলানী- ইকাবুল ইমাম- ১০৭ পৃঃ।

^{১৬৯} ইমাম আননাওয়াবী আল মাজয়ু'-১/৬৩ পৃঃ, আল হারাবী- যামুল কালাম-১/৪৭ পৃঃ, আল খাতীব- ইহতিজাজ বিশশাফেয়ী-২/৮ পৃঃ, শায়খ আল ফুলানী- ১০০পৃঃ, ইমাম ইবনুল কাইয়িল- ইলামুল মুয়াক্কিম-২/৩৬১ পৃঃ।

একুপ ঘোষণা দিতে পারেন। একুপ ঘোষণার পরও যদি কেউ সুন্নাহ বর্জন করে ইমামদের অঙ্ক অনুসরণ করে থাকে নিশ্চয়ই এটা এক অহমিকা এবং ইমামদের প্রতি যুল্মপূর্ণ আচরণ ছাড়া কিছুই নয়। আল্লাহ তা'আলা আমাদের হিদায়াত দান করুন, আমীন!

৩। ইমাম শাফেয়ী (রহ.) ইমাম আহমাদকে (রহ.) বলেন :

أَنْتُمْ أَعْلَمُ بِالْحَدِيثِ وَالرِّجَالِ مِنِّي، إِنَّا كَانَ الْحَدِيثُ الصَّحِيحُ
فَأَعْلَمُونِي بِهِ أَيُّ شَيْءٍ يَكُونُ كُوفِيًّا أَوْ بَصَرِيًّا أَوْ شَامِيًّا، حَتَّىٰ أَذَبَ إِلَيْهِ
إِذَا كَانَ صَحِيحًا.

“আপনারা আমার চেয়ে হাদীস এবং সনদ সম্পর্কে বেশী অবগত রয়েছেন, অতএব কোন সহীহ হাদীসের সন্ধান পেলে আমাকে জানাবেন কুফী, বাসরী ও শামী যেই হোক না কেন সহীহ হাদীসের জন্য আমি তার কাছে যেতে প্রস্তুত।”^{১৭০}

কুফী, বাসরী ও শামী- যে স্থান এবং যে গোষ্টিরেই হোকনা কেন? তা লক্ষ্যনীয় নয়, লক্ষ্যনীয় হলো হাদীস সহীহ কি না? সহীহ হলে অপর দল, গোত্র ও দেশ থেকে হলেও তা গ্রহণ করতে হবে। আর সহীহ না হলে নিজের মত ও দলের হলেও পরিত্যাজ কখনও গ্রহণনীয় নয়। এ নীতিই হলো ইমামুস সুন্নাহ ইমাম শাফেয়ী (রহ.) এর সুন্নাহ অনুসরণে সঠিক ও দৃঢ় অবস্থান। একুপই হওয়া উচিত সকল আল্লাহভীরুম মুসলিমের অবস্থান। আল্লাহ তা'আলা করুন দান করুন।

৪। ইমাম শাফেয়ী (রহ.) বলেন :

كُلُّ مَسَأَةٍ صَحٌ فِيهَا الْخَبْرُ عَنْ رَسُولِ اللَّهِ عِنْدَ أَهْلِ النَّقْلِ
بِخَلَافِ مَاقْلُتُ، فَأَنَا رَاجِعٌ عَنْهَا فِي حَيَاتِي وَبَعْدَ مَوْتِي.

^{১৭০} ইবনু আবি হাতিম-আদাবুশ্শাফেয়ী-৯৪,৯৫ পঃ; আবু নাসীম- আল হলিয়াহ-৯/১০৬ পঃ; আল খাতীব-আল ইহতজাজ ১/৮ পঃ; ইবনু আব্দিল বার- আল ইনতিকা-৭৫ পঃ; আল আলবানী সিফাতু সালতিনাবী-৫১ পঃ।

“আমার জীবদ্যশায় অথবা মৃত্যুর পরে যে সমস্ত মাসআলায় আমার ফাতওয়ার বিপরীত মুহাদিসগণের নিকট সহীহ হাদীস প্রমাণিত হয়েছে ঐসব মাসআলায় আমার মত প্রত্যাহার করে (হাদীস গ্রহণ করে) নিলাম।”^{১৭১}

মহামতি ইমামদের একুপ স্পষ্ট ঘোষণার পরও নির্বোধ ব্যক্তি ছাড়া কেও তাঁদের হাদীস বিরোধী ফাতওয়ার অঙ্কানুসরণ করতে পারে না।

৫। ইমাম শাফেয়ী (রহ.) বলেন :

كُلُّ مَا قُلْتُ فَكَانَ عَنِ النَّبِيِّ ﷺ خَلَفَ قَوْلِيٍّ مِمَّا يَصِحُّ، فَحَدِيثُ النَّبِيِّ ﷺ أَوْلَى فَلَا تُقْلِدُونِي.

“আমি যে সব ফাতওয়া দিয়েছি এর বিপরীত নাবী ﷺ হতে সহীহ হাদীস প্রমাণিত হলে নাবী ﷺ-এর হাদীসই গ্রহণযোগ্য ও প্রাধান্য পাবে, অতএব আমার কোন অঙ্কানুসরণ কর না।”^{১৭২}

ইহা ছাড়াও ইমাম শাফেয়ীর (রহ.) আরো অনেক মূলবান উপদেশ রয়েছে, বরং ইমাম শাফেয়ীর (রহ.) একুপ বজ্জ্বাই সবচেয়ে বেশী ও স্পষ্ট। ইহা প্রমাণ করে যে, তাঁর কোন ফাতওয়া সহীহ হাদীস বিরোধী হলে তা অবশ্যই তাঁর অজানাবস্থায়। এর পরেও সে ফাতওয়ার কেউ যেন অঙ্কানুসরণ কারী না হয় এ জন্য সে সমস্ত ফাতওয়া হতে অগ্রীম তাঁর মত প্রত্যাহার করেছেন এবং অঙ্কানুসরনের ত্বর প্রতিবাদ করেছেন। আল্লাহ তা'আলা তাঁকে পূর্ণ জায়ায়ে খাইর দান করুন এবং আমাদের সঠিক হিদায়াত দান করুন। আমীন!

^{১৭১} ইবনু আবি হাতিম- আদাবুশাফেয়ী-৯৩ পৃঃ; আবু নাসিম- আল হলিয়্যাহ-৯/১০৬ পৃঃ; আল-আলবানী- সিফাতু সালাতিন্নাবী-৫০-৫২পঃ।

^{১৭২} ইবনু আবি হাতিম- আদাবুশ শাফেয়ী-৯৩ পৃঃ; আবু নাসিম- ইত্যাদি, আল-আলবানী- সিফাতুসালাতিন্নাবী-৫২পঃ।

ইমাম আহমাদ বিন হাষল (রহ.) এর সংক্ষিপ্ত জীবনী

সূচিপত্র

নাম, উপনাম ও বংশ পরিচয়

জন্ম ও প্রতিপালন

শিক্ষা জীবন

শিক্ষা সফর

হাদীসের জগতে ইমাম আহমাদ (রহ.)

আহলুস সুন্নাহর ইমাম

ইমামের আকৃতীদা বিশ্বাস

ইমাম আহমাদ (রহ.) এর শিক্ষকবৃন্দ

ইমাম আহমাদ (রহ.) এর ছাত্রবৃন্দ

ইমাম আহমাদ (রহ.) এর রচনাবলী

ইমাম আহমাদ (রহ.) সম্পর্কে আলিম সমাজের প্রশংসন

সুন্নাহ অনুসরণে ইমাম আহমাদ (রহ.) এর অবস্থান

ইমাম আহমাদ (রহ.) এর ইন্তেকাল

ইমাম আহ্মাদ বিন হাম্বল (রহ.)-এর সংক্ষিপ্ত জীবনী

নাম, উপনাম ও বৎশ পরিচয় : নাম : আহ্মাদ, পিতা মুহাম্মদ, দাদা হাম্বল, উপনাম আবু আবুল্লাহ।

বৎশনাম : আহ্মাদ বিন মুহাম্মদ বিন হাম্বল বিন হিলাল বিন আসাদ বিন ইন্দীস---- আশ্শায়বানী, আল-মারওয়ায়ী, আল-বাগদাদী। ইমামের ১৩তম পূর্ব পুরুষ শায়বান এর দিকে সম্পৃক্ত করায় আশ শায়বানী, তাঁর জন্মভূমি মুরট এর দিকে সম্পৃক্ত করায় আল-মারওয়ায়ী, অতঃপর ইমামের অবস্থান বাগদাদ এর দিকে সম্পৃক্ত কারয় “আল বাগ্দাদী।”^{১৩৭}

জন্ম ও প্রতিপালন : ইমাম আহ্মাদ (রহ.) ১৬৪ হিঃ রবিউল আউয়াল মাসে মুরটতে জন্ম গ্রহণ করেন। কেউ কেউ বলেন তিনি মায়ের গর্ভে থাকা অবস্থায় মুরট হতে বাগদাদে আসেন অতঃপর বাগদাদে জন্ম হয়। ছোট কালেই তাঁর পিতা ইন্তেকাল করেন ফলে তিনি ইয়াতীম অবস্থায় মার কাছে পালিত হন।^{১৩৮}

শিক্ষা জীবন : ইমাম আহ্মাদ (রহ.) ছোট বয়সেই শিক্ষায় মনোনিবেশ হন। তিনি প্রথম মেধাশক্তিসম্পন্ন ছিলেন। অতি সহজেই অনেক কিছু মুখ্য করে ফেলতেন। ইব্রাহীম আল হারবী (রহ.) বলেন : “মনে হয় যেন আল্লাহ তা’আলা ইমাম আহ্মাদকে আদি-অন্তের সকল প্রকার জ্ঞান দান করেছেন।”^{১৩৯}

শিক্ষা সফর : জ্ঞান পিপাসু ইমামুস সুন্নাহ্ ইমাম আহ্মাদ (রহ.) বাগদাদের উল্লেখযোগ্য সকল আলিম হতে শিক্ষা গ্রহণের পর বিভিন্ন প্রান্তে জ্ঞান আহরণে ছুটে চলেন। তিনি সফর করেন কুফা, বাসরা, মক্কা, মদীনা, ত্বারতুস, দামেক, ইয়ামান, মিসর ইত্যাদি অঞ্চলে। তিনি পাঁচবার হাজৰত পালন করেন তন্মধ্যে তিনবার পায়ে হেঁটে হাজ পালন করেন।^{১৪০}

^{১৩৭} হলিয়াতুল আউলিয়া- ১/১৬২ পৃঃ, তাহীয়াবুল কামাল- ১/৩৫ পৃঃ, তারিখে বাগদাদ- ৪/৪১৪ পৃঃ, সিয়ারু আলমুবালা- ১১/১৮ পৃঃ, আল বিদায়াহ ওয়ান নিহায়াহ- ১০/৭৭৫ পৃঃ, মানাকিব লি ইবনুল জাওয়ী- ১৮ পৃঃ, ইত্যাদি।

^{১৩৮} সিয়ারু আলাম আনন্দবালা- ১১/১৭৯ পৃঃ, আলবিদায়াহ ওয়ান নিহায়াহ- ১০/৭৭৫ পৃঃ।

^{১৩৯} তুবাকাতুল হানাবিলাহ- ১/৯ পৃঃ, সিয়ারু আলমুবালা- ১১/১৮৮ পৃঃ।

^{১৪০} মুকাদ্দামাতু কিতাব মাসায়িল ইমাম আহ্মাদ- ১/২০ পৃঃ।

হাদীসের জগতে ইমাম আহ্মাদ (রহ.) : হাদীসের জগতে ইমাম আহ্মাদ (রহ.) এক উজ্জ্বল নক্ষত্র, তাঁর হাদীসের পারদর্শিতা সম্পর্কে এক কথায় বলা যায় তিনি হাদীসের এক বিশাল সাগর। ইমাম আব্দুল ওয়াহ্হাব আল ওয়াররাক বলেন, “আমি ইমাম আহ্মাদ বিন হাম্বলের মত আর কাউকে দেখিনি, তাকে জিজ্ঞাসা করা হলো আপনি অন্যের চেয়ে ইমাম আহ্মাদ (রহ.)-এর মাঝে জ্ঞান-গরিমা বা মর্যাদা বেশী কি পেয়েছেন? তিনি বললেন : ইমাম আহ্মাদ এমন একজন ব্যক্তি যাকে ৬০,০০০ (ষাট হাজার) প্রশ্ন করা হয়েছে তিনি সকল প্রশ্নের জবাবে হাদাচানা ওয়া আখাবারানা অর্থাৎ হাদীস হতে জবাব দিয়েছেন অন্য কিছু বলেন নি।”^{১৪১} অতএব এক বাক্যে বলা যায় যে, ইমাম আহ্মাদ (রহ.) হাদীসের সাগর ছিলেন। এ ছাড়াও এর জলন্ত প্রমাণ হলো ইমামের সংকলিত সুপ্রসিদ্ধ হাদীস গ্রন্থ “আল মুসনাদ” যার হাদীস সংখ্যা চাল্লিশ হাজার।^{১৪২}

অতএব হাদীসের জগতে ইমাম আহ্মাদ (রহ.) এক অবিস্মরণীয় ব্যক্তিত্ব। হাদীস শাস্ত্রে মুসতালাহ, ঈলাল, আসমাউর রিজাল, জারহ-তাদীল ইত্যাদি সকল ক্ষেত্রে তাঁর অসামান্য কৃতিত্ব বিদ্যমান রয়েছে। হাদীস শিক্ষাদানেও তাঁর কৃতিত্ব অতুলনীয়, তাঁর একেক মজলিসে পাঁচ হাজারেরও অধিক ছাত্র অংশ গ্রহণ করত।^{১৪৩}

আহ্লাস সুন্নাহর ইমাম : ইমাম আহ্মাদ (রহ.) সকল প্রকার ত্যাগ স্বীকার করতে প্রস্তুত কিন্তু প্রকাশ্যভাবে সুন্নাহকে আঁকড়ে ধরা হতে সামান্যতম ছাড় দিতে প্রস্তুত নন, প্রয়োজনে জীবন জেতে পারে তবুও সুন্নাহর অনুসরণ বর্জন হতে পারে না, ইমাম ইসহাক বিন রাহয়াহ (রহ.) বলেন : “যদি ইমাম আহ্মাদ বিন হাম্বল না হতেন এবং তাঁর ইসলামের জন্য ত্যাগ স্বীকার না হত তাহলে ইসলাম বিনাশ হয়ে যেত, অর্থাৎ যখন সকলেই ইচ্ছায় বা অনিচ্ছায় কুরআনকে মাখলুক হিসাবে স্বীকার করে নিল, তখন পৃথিবীর বুকে একজনই মাত্র ইসলামের সঠিক বিশ্বাস ধারণ

^{১৪১} তৃবাকাতুল হানাবিলাহ, ১/৯ পৃঃ।

^{১৪২} তাদবীয়নুস সুন্নাহ আন্নাবীয়ায়াহ, ১২২ পৃঃ।

^{১৪৩} মুকাদ্দামাহ কিতাব মাসায়িলি ইমাম আহ্মাদ, ১/২৪, ২৫ পৃঃ।

করেছিলেন, তিনিই হলেন ইমাম আহ্মাদ। আল্লাহ তা'আলা তাঁর মাধ্যমেই ইসলামের সঠিক আকীদাহ বিশ্বাসকে টিকিয়ে রেখেছিলেন।

রাসূল ﷺ হতে চলে আসা কুরআনের সঠিক বিশ্বাস : “কুরআন আল্লাহ তা'আলার বাণী, কোন সৃষ্টি বস্তু নয়।” কিন্তু জাহমিয়া ও মুতাফিলাদের আবির্ভাবে এ বিশ্বাসে বিকৃতি ঘটানো হয়, শুরু হল “কুরআন মাখলুক বা সৃষ্টি বস্তু” এ ভাস্ত বিশ্বাসের প্রচারণা, এমনকি রাষ্ট্রীয়ভাবে আববাসীয় খলীফা হারানুর রশীদ এবং পরবর্তী খলীফা মামুনুর রশীদ প্রভাবিত হলেন এ ভাস্ত বিশ্বাসে। রাষ্ট্রীয়ভাবে ঘোষণা হল সকলকে বিশ্বাস পোষণ করতে হবে যে, “কুরআন মাখলুক বা সৃষ্টি বস্তু”, এ বিশ্বাসের কেউ দ্বিমত পোষণ করতে পারবে না। বাধ্য হয়ে ইচ্ছায় অনিচ্ছায় প্রায় সকলেই ঐক্যমত পোষণ করলেন শুধুমাত্র দু'জন দ্বিমত পোষণ করেন, ইমাম আহ্মাদ (রহ.) ও মুহাম্মাদ বিন নৃহ (রহ.)। নির্দেশ দেয়া হল তাদেরকে গ্রেফতার করার জন্য। গ্রেফতার করে আনার পথে মুহাম্মদ বিন নৃহ (রহ.) ইন্তেকাল করেন, আর ইমাম আহ্মাদ (রহ.) দু'আ করেছিলেন যেন খলীফা মামুনের সাথে সাক্ষাৎ না হয়। ইমামকে কারাবাস দেয়া হল, প্রায় আটাস (২৮) মাস কারাগারে আবদ্ধ হয়ে থাকলেন এবং খলীফা মু'তাসিম এর নির্দেশে ইমামকে তাদের ভাস্ত বিশ্বাস পোষণ না করায় বেত্রাঘাত করা হল। হাত বেঁধে নিষ্ঠুরভাবে কোড়াঘাত করা হয়। কোড়াঘাতে রক্ত ঝাড়তে থাকে, গায়ের কাপড় পর্যন্ত রক্তে রঞ্জিত হয়ে যায়। জ্ঞান হারিয়ে মাটিতে লুটিয়ে পরে যান, আবার জ্ঞান ফিরলে জিজ্ঞাসা করা হয় তাদের ভাস্ত বিশ্বাসে একমত কিনা? একমত না হলে আবার কোড়াঘাত শুরু হয়। এভাবে নির্মম নিষ্ঠুর নির্যাতনের শিকার হন। এর কারণ শুধু একটিই তিনি কুরআন ও সুন্নাহর অনুসারী এবং বিদ'আতী বিশ্বাস বর্জনকারী। পরিশেষে খলীফা আল মুতাওয়াকিল (রহ.) সঠিক বিষয় উপলব্ধি করায় গোটা মুসলিম জাহানে হকের উপর প্রতিষ্ঠিত অনড়, অটল একক ব্যক্তি ইমাম আহ্মাদ বিন হাস্বল (রহ.)-কে কারাযুক্ত করেন এবং তাঁকে যথার্থ সম্মান প্রদর্শন করেন।^{১৪৪}

^{১৪৪} সিয়ারু আলামুন্বালা, ১১/২৫০-২৫২ পৃঃ।

ইমামের আকীদাহ-বিশ্বাস : প্রথিবীর বুকে যখন ইচ্ছা-অনিচ্ছায় সকলেই মুতাফিলাদের বাতিল আকীদাহ-বিশ্বাস গ্রহণ করে তখন একক ব্যক্তি যিনি কুরআন ও সহীহ হাদীসের আলোকে সঠিক আকীদাহ-বিশ্বাসের উপর অটল ছিলেন। এমনকি নির্মম, নিষ্ঠুর নির্যাতনেও তিনি সঠিক আকাদীহ হতে সামান্যতমও বিচ্যুত হননি। সুতরাং একবাক্যে বলা যায় যে, তিনি সঠিক আকীদায় শুধু বিশ্বাসী নয় বরং সঠিক আকীদায় বিশ্বাসীদের অন্যতম ইমাম ছিলেন।

ইমাম আহমাদ (রহ.)-এর শিক্ষকবৃন্দ : ইমাম আহমাদ (রহ.) বাগদাদসহ গোটা মুসলিম জাহানের প্রায় সকল শিক্ষা কেন্দ্রে জ্ঞানের সন্ধানে অবতরণ করেন, ফলে তাঁর শিক্ষক হাতে গন্ত কয়েকজন হতে পারে না বরং তাঁর শিক্ষক অগণিত ও অসংখ্য। ইমাম যাহাবী (রহ.) বলেন : ইমাম আহমাদ (রহ.) “মুসলাদে আহমাদ” গ্রন্থের হাদীসসমূহ যে সব শিক্ষক হতে গ্রহণ করেন তাঁদের সংখ্যা হলো দুইশত তিরাশি (২৮৩) জন।^{১৪৫} এছাড়াও বিভিন্ন বিষয়ে বহু সংখ্যক শিক্ষক রয়েছেন। নিম্নে প্রসিদ্ধ কয়েকজন শিক্ষকের নাম উল্লেখ করা হল^{১৪৬} :

- (১) ইমাম সুফইয়ান বিন উয়ায়নাহ (রহ.)।
- (২) ইমাম ওয়াকী বিন আল জাররাহ (রহ.)।
- (৩) ইমাম মুহাম্মদ বিন ইন্দীস আশ্শাফেরী (রহ.)।
- (৪) ইমাম আব্দুর রায়খাক আস সানআনী (রহ.)।
- (৫) ইমাম কুতাইবাহ বিন সাঈদ (রহ.)।
- (৬) ইমাম আলী ইবনুল মাদীনী (রহ.)।
- (৭) ইমাম ইবনু আবী শাইবাহ (রহ.) ইত্যাদি।

ইমাম আহমাদ (রহ.)-এর ছাত্র বৃন্দ : ইমাম আহমাদ বিন হাস্বল (রহ.)-এর ছাত্র অগণিত হওয়াই সাভাবিক, তাদের সংখ্যা ও গণনা সন্তুষ্ট নয় এবং তালিকাও বর্ণনা সহজ নয়। যিনি লক্ষাধিক হাদীসের হাফেয়,

^{১৪৫} সিয়ারুল আলাম আনুবালা, ১১/১৮০ পৃঃ।

^{১৪৬} মকান্দামাহ কিতাব মাসায়িল ইমাম আহমাদ, ১/২১ পৃঃ।

চল্লিশ হাজার হাদীস গ্রন্থের সংকলক তাঁর ছাত্র বিশ্বজুড়ে হওয়াই সাভাবিক। যার মাজলিসে পাঁচ হাজার পর্যন্ত ছাত্র থাকত, নিম্নে কয়েকজন নক্ফতুল্য ছাত্রের নাম উল্লেখ করা হল^{১৪৭} :

১. ইমাম মুহাম্মদ বিন ইসমাঈল আল বুখারী (রহ.)।
২. ইমাম মুসলিম বিন হাজ্জাজ আল কুশায়রী (রহ.)।
৩. ইমাম আবৃ দাউদ আস সিজিতানী (রহ.)।
৪. ইমাম আবৃ ঈসা অত্তিমিয়ী (রহ.)।
৫. ইমাম আবৃ আব্দুর রহমান আন্নাসাঈ (রহ.)।
৬. ইমাম সালিহ বিন আহ্মাদ বিন হাম্বল (রহ.)।
৭. ইমাম আব্দুল্লাহ বিন আহ্মাদ বিন হাম্বল (রহ.) ইত্যাদি।

ইমাম আহ্মাদ (রহ.)-এর রচনাবলী : প্রসিদ্ধ চারজন ইমামের মধ্যে যিনি সবচেয়ে বেশী গ্রন্থ রচনা করেছেন তিনি হলেন ইমাম আহ্মাদ বিন হাম্বল (রহ.)। শুধু তাই নয় বরং তাঁর সংকলিত হাদীস গ্রন্থ “মুস্নাদ” সর্ব প্রসিদ্ধ। ইমামের উল্লেখযোগ্য গ্রন্থসমূহ নিম্নে বর্ণনা করা হলো^{১৪৮} :

১. হাদীস গ্রন্থ “আল মুস্নাদ” (হাদীস সংখ্যা চল্লিশ হাজার)।^{১৪৯}
২. আয্যুহ্দ।
৩. ফাযায়িলুস সাহাবাহ।
৪. আল ঈলাল ওয়া মারিফাতির রিজাল।
৫. আল ওয়ার’।
৬. কিতাবুস সালাত।
৭. আর্রাদ আলাল জাহমিয়্যাহ।

^{১৪৭} তাহবীবুল কামাল, ১/৮৮০-৮৮২ পৃঃ।, সিয়াকুর আলামুন্বালা, ১১/

^{১৪৮} মুকাদ্দিমাতু কিতাব মাসায়িলি ইমাম আহ্মাদ, ১/৩০-৩৫ পৃঃ।

^{১৪৯} তাদবীনুস সুন্নাহ আন্নাবীয়্যাহ, ১২২ পৃঃ।

৮. রিসালাতু ইমাম আহ্মাদ ।

৯. আল মাসাইল ।

১০. আহ্কামুন্নিসা ।

১১. কিতাবুল মানাসিক ।

১২. কিতাবুস্সন্নাহ, ইত্যাদি ।

ইমাম আহ্মাদ (রহ.) সম্পর্কে আলিম সমাজের প্রশংসন :

(১) ইমাম আলী ইবনুল মাদীনী (রহ.) বলেন : আল্লাহ তা'আলা রাসূল ﷺ-এর পর দু'জন ব্যক্তির মাধ্যমেই ইসলামকে প্রতিষ্ঠিত করেছেন একজন হলেন আবু বকর (رضي الله عنه) যার মাধ্যমে মুরতাদ ও উগুণ নাবীদের দমন করেছেন, আর অপরজন আহ্মাদ বিন হাস্বল, যার মাধ্যমে কুরআনের মানহানীর সময় কুরআনকে সমুন্নত করেছেন।^{১৫০}

(২) ইমাম আব্দুল ওয়াহহাব আল ওয়াররাক (রহ.) বলেন : “আমি ইমাম আহ্মাদ বিন হাস্বলের মত আর কাউকে দেখিনি, তাকে জিজ্ঞাসা করা হল আপনি অন্যের চেয়ে ইমাম আহ্মাদের মাঝে জ্ঞান-গরিমার বা মর্যাদার বেশী পেয়েছেন কি? তিনি বললেন : ইমাম আহ্মাদ এমন একজন ব্যক্তি যাকে ৬০,০০০ (ষাট হাজার) প্রশ্ন করা হল, তিনি সকল প্রশ্নের জবাবে হাদ্দাছানা ওয়া আখ্বারানা অর্থাৎ শুধু হাদীস হতে জবাব দিয়েছেন অন্য কিছু বলেন নি।^{১৫১}

(৩) ইমাম শাফেয়ী (রহ.) বলেন : আমি বাগদাদ হতে বের হয়ে ইমাম আহ্মাদের চেয়ে অধিক আল্লাহভীরু, তাকওয়াশীল, ফাকীহ ও জ্ঞানী আর কাউকে পাইনি।^{১৫২}

^{১৫০} ত্বকাত আল হানাবিলাহ, ১/৩১ পৃঃ।

^{১৫১} ত্বকাত আল হানাবিলাহ, ১/৯ পৃঃ।

^{১৫২} তারিখে বাগদাদ, ৪/৮১৯ পৃঃ, মানাকিব বাইহাকী, ১/৫২৯ পৃঃ।

সুন্নাহ অনুসরণে ইমাম আহমাদ (রহ.) এর অবস্থান

আহলুস সুন্নাহ ওয়াল জামাআতের অন্যতম ইমাম, সর্ববৃহত ও উল্লেখ যোগ্য হাদীসের গ্রন্থ “মুসনাদ ইমাম আহমাদ” এর সংকলক ইমাম আহমাদ বিন মুহাম্মদ বিন হাসাল (১৬৪-২৪১ খ্রি) রহঃ। তিনি চার ইমামের মধ্যে হাদীস শাস্ত্রে সবচেয়ে বেশী অবদান রেখেছেন। আব্বাসীয় যুগে মুতাফিলাদের খাল্কে কুরআন ফিতনার সম্মুখীন হয়ে সর্বশেষে তিনি একায় জেল-যুলুম সহ্য করে হকের উপর দৃঢ়ভাবে প্রতিষ্ঠিত ছিলেন। সুন্নাহ অনুসরণে ইমাম সাহেবের কিছু মূল্যবান বক্তব্য উপস্থাপন করা হল।

১। ইমাম আহমাদ (রহ.) বলেন :

لَا تُقْلِدُنِي وَلَا تُقْلِدُ مَالِكًا وَلَا الشَّافِعِيَّ وَلَا الْأَوْزَاعِيَّ وَلَا الشُّورِيَّ،
وَخُذْ مِنْ حَيْثُ أَخِذُوا.

“তুমি আমার অঙ্ক অনুসরণ কর না এবং ইমাম মালিক, শাফেয়ী, আওয়াঙ্গি ও ছাওয়ী প্রমুখের অঙ্ক অনুসরণ কর না, বরং তাঁরা যেখান হতে গ্রহণ করেছেন তুমিও সেখান হতে গ্রহণ কর।”^{১৭০}

মানুষ অনুসরণ করবে কুরআন এবং সুন্নাহর, কোন ব্যক্তির চিন্তাচেতনা নয়। তিনি যতবড়ই বিদ্যান, দার্শনিক ও ইমাম হোন না কেন? এ বিষয়টিই তুলে ধরেছেন ইমাম আহমাদ (রহ.)। তিনি কোন পক্ষ পাতিত্ব করেননি বরং সর্বপ্রথম নিজেকে দিয়েই শুরু করেছেন। নিমেধ করলেন তাকলীদ বা অঙ্ক অনুসরণের এবং নির্দেশ দিলেন কুরআন ও সুন্নাহ অনুসরণের। ইমামগণ যেখান হতে দ্বান গ্রহণ করেছেন অর্থাৎ কুরআন ও সহীহ হাদীস হতে তোমরাও সেই কুরআন ও সহীহ হাদীস হতে গ্রহণ কর কোন ইমামের চিন্তা প্রসূত ফাতওয়া হতে নয়।

অন্য বর্ণনায় এসেছে তিনি বলেন:

لَا تُقْلِدُ دِينَكَ أَحَدًا مِنْ هُؤُلَاءِ، مَا جَاءَ عَنِ النَّبِيِّ وَأَصْحَابِهِ فَخُذْ بِهِ،
ثُمَّ التَّابِعِينَ بَعْدَ الرَّجُلِ فِيهِ مُخَيْرٌ، وَقَالَ مَرَّةً: الْتَّابِعُ أَنْ يَتَّبِعَ الرَّجُلَ مَا جَاءَ عَنِ
النَّبِيِّ وَعَنِ أَصْحَابِهِ، ثُمَّ هُوَ مِنْ بَعْدِ التَّابِعِينَ مُخَيْرٌ.

^{১৭০} ইমাম ইবনুল কাইয়্যিম- ই'লামুল মু'আকফিস্ন- ২/৩০২ পৃঃ, শায়খ আল-ফুলানী- ইকায়িল ইমাম- ১১৩ পৃঃ, মাজমু' ফাতাওয়া-২০/২১২ পৃঃ।

“তোমার দীনের ব্যাপারে এসব ইমামদের কাউকে অঙ্গ অনুসরণ কর না, বরং রাসূল ﷺ এবং তাঁর সাহাবীদের হতে যা এসেছে তা গ্রহণ কর। তাবেঙ্গিদের ক্ষেত্রে তুমি সাধীন। আবার কখনও বলেন : অনুসরণ শুধুমাত্র রাসূল ﷺ এবং সাহাবীদের হতে যা প্রমাণিত হয়েছে তাহাই। এরপর তাবেঙ্গিদের ক্ষেত্রে তুমি সাধীন।”^{১৭৪} অর্থাৎ তাদের কথা কুরআন ও সুন্নাহ অনুযায়ী হলে অনুসরণ করবে আর না হলে করবে না।

২। ইমাম আহমাদ (রহ.) বলেন :

رَأْيُ الْأَوْزَاعِيِّ وَرَأْيُ مَالِكٍ، وَرَأْيُ أَبِي حَنِيفَةَ كُلُّهُ رَأْيٌ، وَهُوَ عِنْدِي سَوَاءٌ، وَإِنَّمَا الْحُجَّةُ فِي الْأَثَارِ.

“ইমাম আওয়াঙ্গ এর অভিমত, ইমাম মালিক এর অভিমত এবং ইমাম আবু হানীফা এর অভিমত সবই আমার কাছে অভিমত হিসাবে সমান অর্থাৎ একটাও শরীয়তের দলীল হতে পারে না। শরীয়তের দলীল শুধুমাত্র রাসূল ﷺ এবং সাহাবীদের হাদীস থেকেই হবে।”^{১৭৫}

৩। ইমাম আহমাদ (রহ.) বলেন :

**عَجَبَ لِقَوْمٍ عَرَفُوا الْإِسْنَادَ وَصَحَّتْهُ يَذْهَبُونَ إِلَى رَأْيِ سُفِّيَانَ، وَاللَّهُ يَقُولُ :
فَلَيَخُذِّرْ الَّذِينَ يُخَالِفُونَ عَنْ أَمْرِهِ أَنْ تُصِيبَهُمْ فِتْنَةٌ أَوْ يُصِيبَهُمْ
عَذَابٌ أَلِيمٌ**

“আমি আশ্চর্য হই তাদের আচরণে যারা সহীহ হাদীস জানা সত্ত্বেও ইমাম সুফিয়ানের অভিমত গ্রহণ করতে চায়, অথচ আল্লাহ তা'আলা বলেন :

“অতএব যারা তাঁর আদেশের (রাসূলের হাদীসের) বিরুদ্ধাচারণ করে, তারা যেন সতর্ক হয় যে, তাদের কে ফির্তনা পেয়ে যাবে অথবা যন্ত্রণাদায়ক আয়াব তাদেরকে গ্রাস করবে।

[সূরা নূর-৬৩] ^{১৭৬}

^{১৭৪} আবু দাউদ- মাসায়িল ইমাম আহমাদ-২৭৬,২৭৭ পৃঃ; আল আলবানী- সিফাতুসালতিন্নাবী-৫৩ পৃঃ।

^{১৭৫} ইবনু আব্দিল বার- আল জামি'-৩/১৪৯ পৃঃ।

^{১৭৬} ইমাম ইবনু বাতাহ- আল ইবানাহ-১/২৬০ পৃঃ; ইমাম ইবনু তাইমিয়াহ- আল মাজমু'-১৯/৮৩ পৃঃ; ইমাম ইবনুল কাইয়িম-ই'আলাম-২/২৭১ পৃঃ; তাইসীরুল আয়াত আল হামীদ- ৫৪৫ পৃঃ; ফতুল মাজীদ-৩২২ পৃঃ।

শুধু ইমাম সুফিইয়ানের অনুসারীদের অবস্থা একপ নয়, বরং ইমাম আবু হানীফা, মালিক, শাফিয়ী ও আহমাদ (রাহেমাতুল্লাহ) প্রভৃতি সকল ইমামের ও পীর-দরবেশের অনুসারীদের অবস্থা একই। সহীহ হাদীস জানা সত্ত্বেও তা বর্জন করে ইমামের মতামতের অঙ্ক অনুসরণে অবশ্যই আয়াতে বর্ণিত শাস্তি প্রাপ্য হবে।

৪। ইমাম আহমাদ (রহ.) বলেন :

لَا تُقْلِدُ دِينَكَ الرِّجَالَ، فَإِنَّهُمْ لَنْ يَسْلِمُوا مِنْ أَنْ يَعْلَمُوا.

“তুমি তোমার দীনের বিষয়ে (নাবী-রাসূল ছাড়া) কোন ব্যক্তির অঙ্ক অনুসরণ কর না, কারণ তারা কক্ষণও ত্রুটি মুক্ত নয়।”^{১৭৭}

মানুষের মাঝে ত্রুটি মুক্ত শুধু নাবী-রাসূলগণ, তাই তাঁদের ওয়াহী ভিত্তিক সকল দীনি বিষয় অনুসরণ করা উচ্মাত্রের জন্য অপরিহার্য কর্তব্য। কিন্তু নাবী-রাসূল ছাড়া অন্যরা এমন কি সাহাবারাও মাসূম বা ত্রুটি মুক্ত নয় তাই তাঁদের তাকলীদ বা অন্ধানুসরণ বৈধ নয়, বরং তাঁদের কথা যদি সহীহ হাদীসের সাথে মিলে যায় তাহলে অনুসরণে কোন বাঁধা নেই। আর হাদীসের সাথে বিরোধ পূর্ণ হলে অবশ্যই বর্জনীয়।

সুন্নাহ অনুসরণে চার ইমামের অবস্থান সম্পর্কে আমরা মহামতি ইমামদের বক্তব্য হতে সরাসরি অবগত হতে পারলাম যে, তাঁরা সুন্নাহর একনিষ্ঠ অনুসারী ছিলেন। সেছায় ও জেনে শুনে কখনও সুন্নাহ পরিপন্থী কোন কথা ও কাজ প্রকাশ করেননি। এমনকি অজ্ঞতাবসত কিছু প্রকাশ পেয়ে থাকলে সে জন্য অংগীর সতর্ক করে দিয়েছেন, সহীহ হাদীস বর্জন করে তাঁদের ফাত্ওয়া মানা হারাম করে দিয়েছেন এবং যে যুগে ও যে স্থানে সহীহ হাদীস পাওয়া যাবে তা পালন করা অপরিহার্য করে দিয়েছেন। আল্লাহ তা'আলা তাঁদের অবদানকে কবুল করে নিন এবং তাঁদেরকে সুউচ্চ জান্নাতুল ফেরদাউসে আসন দান করুন। আমীন! আর মাযহাবী ও তরীকাপন্থী অঙ্কদের সহীহ হাদীস দর্শনের ও পালনের তাওফিক দান করুন। আমীন!

^{১৭৭} ইমাম ইবনু তাইবিয়াহ- আল মাজয়-২০/২১২ পৃঃ।

ইমাম আহ্মাদ (রহ.)-এর ইষ্টেকাল : জন্মের পরই মৃত্যুর পর্ব, আল্লাহ তা'আলার এ নিয়মের ব্যতিক্রম মহামানব মুহাম্মদ ﷺ-এর ক্ষেত্রেও ঘটেনি, ঠিক একই নিয়মের শিকার হলেন আহ্লুসুন্নাহ ওয়াল জামাআতের ইমম- ইমাম আহ্মাদ বিন হাম্বল (রহ.)। ২৪১ হিজরী ১২ রবিউল আউয়াল শুক্রবার সকল মাখলুককে ছেড়ে মহান খালিক এর ভূরে পাড়িজমান।^{১৫৩} আল্লাহ তাঁকে জান্নাতুল ফিরদাউস দান করছন। আযীন!

ইমম (রহ.)-এর জানায়ায় এত বিপুল সংখ্যক মানুষের সমাগম হয় যে, ইমাম আব্দুল ওয়াহ্হাব আল ওয়াব্বরাক (রহ.) বলেন : জাহেলী যুগে কিংবা ইসলামী যুগে এত বিপুল সংখ্যক মানুষের সমাবেশ ঘটেছে বলে আমাদের জানা নেই। খোলা মরণভূমিতে প্রথম জানায়া সম্পন্ন হয় যাতে পুরুষের সংখ্যা ছিল ৬-৮ লক্ষ, কেউ কেউ বলেন দশ লক্ষ, আর নারীর সংখ্যা ছিল ৬০ হাজার। এ ছাড়াও কয়েকদিন পর্যন্ত জানায়া চলতে থাকে।^{১৫৪}

জানায়ার এ বিড়ল দৃশ্য প্রমাণ করে ইমাম আহ্মাদ সত্যিই সত্যিই আহ্লুস সুন্নাহ ওয়াল জামাআতের ইমাম।

^{১৫৩} সিয়ারু আলামুন্বালা, ১১/৩৩৭ পৃঃ, আলবিদায়াহ, ১০/৭৯১ পৃঃ।

^{১৫৪} সিয়ারু আলামুন্বালা ১১/৩৩৯ পৃঃ।